



GLOBAL TRAINING
NETWORK

A cangin fo xa as no a adax kam o ngim onqe

Version 3.1, June 2025

A Cangin fo xa as no a adax kam o ngim onqe

Contents

Lesonj 1: Ke ñaac'eerna na adax ale

Lesonj 2: Calel ke no aa adax we kam Biibal fee

Lesonj 3: A cangin na adax xotteena no ñoow ole Nehemi

Lesonj 4: A cangin na adax nqatna na Yeesu fo no Yegil paax ke

Lesonj no waag o jeg a xoox of mbareena o njeetaayit too a njangnel mal ne na d'oxaa lakas we

Lesonj 5: O Ga ole Roog no Tedel ole

Lesonj 6: O Ga ole Roog no barke kam calel ke (Promotion)

Lesonj 7: O Ga ole Roog no Cit ke no Yiif Tedu le

Lesonj 8: O Ga ole Roog no Jaajangin we fo Calel ke no Yaal oxe

Lesonj 9: O Ga ole Roog no Sañ-sañ fee

Lesonj 10: O Ga ole Roog no d'aay ole fo Su'nit ne

A Cangin fo xa as no a adax kam o ngim onqe

Leson 1: ke ñaaceerna na adax ale

Kaa i soxla aa-adax faax kam basil ke , no calel ke fo no pokatax ke no maat ne, fo cangu ke, fo kam calel ke no Yaal oxe fop. Ke refna no leson nene kaa gec'noox no safe le Greg Ogden ne'eena *Leadership Essentials*.

"A saax ake in fo we i ngenitna a anda a paax ee i soxla'a paap kaa na njeg'na o ga no ciko kef o cit ke na xa biy den , na cooxtaa lalgan paax no ñjoow ole , too a ngayaa basil den ndax da mbaag o bisiid pexey den fo o waag den maa jolna me da ngenna .

Daax luu refna , naa laytaa o njakad onqe fi'eena mbaat no ke mbokatax ne a mbi'eerna ne ta waritna , kaa wetandaa a in ee kaa i soxla suk ngas no waa mbaagna o ndef aa- adax kam mbokatax ne no wiin we – wiin we mbaagna o andiloox ke hupna o njiriiñ too a war o fi'el, wiin we na njiriiñooraa a cangin den fo o jeg yiif, too a njeg o ñjoowood' o faax fo pexey kaa mbaagna o dox pokatax ke boo da mbadin o ga den fo mbargal den .

Neene itam, cangu fee fo pokatax ke a soxla'tu aa-adax. Jangu fee, mal ke na yoonaa fo cangu fee no calel ke, fo we na suunaa a cangin kerceen , den fop ndimle'tu boo aa-adax faax we soxla'eena ta ref kam pind ke mbaat me wiin we a mbokatooraa a mbaat o njeg . Xaye koy, mayatee dara mal kerceen ke (misiyoñ) , ndaa ñakee wiin waa mbaagna o mbi pexey boo a sak daalbe waa maakna no Yaal oxe ."

Tig betik ke taxna boo a Adax ale ñaace'nee ne ta waritna

1. "Jegiim calir ke soxla'uuma fop."
2. "Jegiim o ga o xoolu no calel ke ."
3. "Mi, refiim o aa-adax oxe helna."
4. "Um jeg'angaa o d'oodfox ."
5. "Ga'iim soxla faa warna o genooxel ."

Tigil nahik ke na laltaa ke na tolofnooraa a adax .

Keene moyu tax i nga'atee d'oodfox mayu a mbaf ndax da ngenoox no soxla ke na adax ndiiki kaa gec'noox no ne Kerceen ke a "mbi'taa" jangu mbaat calel ke no Yaal oxe .

Ñak o waad' pexey no kaa jofna na mayfand ale no daalbe we!

Ke yoqna na cangin ale no daalbe we : "Ndax kam war o eet o ref o taalbe ?" O bug o ref o aa-adax kaa gec'noox na pesoorof no ref o taalbe .Boo yaa pokatax ke in na njalaa a mbaag o mbi pexey kaa na ndimle'kaa o taalbe Yeesu ta maak , yooŋkee ndax aa-adax we a maak. O aa-adax Kerceen o paax na fi'aa o taalbe o paax. Aa adax we koy, no we ndefna daalbe soom a mbaagu o inoor .Mal maak ne widna adna fee fop na njalaa ndax da mayfand pokatax ke no daalbe we na ndimle'taa boo wiin we njeg o ga no kaa jofna no aa-adax we.

Pastoor ke kaa yooŋ o mbi'aa mayu ndaa naangee o njalaa no ga oleene Efes 4:11-16.

Moytoox a yiif a ñak: "Jegee pastoor faa mosaxama dimle ndax um maak na adax es." A fi'a xa kiid xa mayu, mbokatax ne no we na adooxanaa jangu fee, no moy o jaak ole, pastoor ke, kaa njangnel ndax da mbapoox too a ndaawaa su'nit den fa nqoox den yam ne da "mbadnaa" calel keene . Kaa mbes a cinj o ga ole na biibal fee no daalbe we fo we na ndimle'aa a den ndax da maak boo xalaatuuma ee, boo cooxtooxuuma mi fa xoox es no dimle'aa lakas ndax da maak , *mam refu me um jegtikaa o daaw no calel ke wiin lakas we a cunntaxam ?* A soŋangaa sax ee we na adooxanaa calel ke a nga'a ee kaa mbar o aqatin too a ndod aa-adax , kaa yooŋ o seede'aa o ñjak o and ole da nga'na ,calir ke mbaat a cangin ale ndax a kebax a mosu leene a waag o fadnoox.

Gimu we kaa mboog ee Pastoor kaa ndafdeel yaam calel ke no Yaal oxe.

Ñak a cangin a paax no kaa jofna na adax ndax wiin we a and ke soxla'eena.

Mbog ne no waag o adooxit ne ta xelitna : *“We adooxanna calel ke no Yaal oxe mbaru cooxit lalgand na adax.”* Mayu no mal ke na njalanaa o Yaal oxe kaa njegaa coono ndax da mbaag o ndalin aa-adax yaam ne mal keene a njaltaa . Ne o mbaax onqe in a saad'ooxna no we njanguuna too a njeg teen o and too keene kaa rokat sax kam jangu ne too a taxa boo wiin we a nga o nguutatir no waag ole jegna a ndeer we njanguuna , a andin too a andtel o ten fo lakas we. Nguutatir neene kaa moy o feeñ kam mal maak ke na njalaa . Ke keene a rimaa refu , yee aa-adax lakas we kaa yooḅ o mboogaa yee kaa mbar o mbaas calel den nen aa-adax too a ndefat “reereef”.

“O njiriiñ ” onqe d'asna : *“Andiim a paax ke ref o aa-adax a tekita .”* A jega njuumoor maak ne jegna no ke refna o njiriiñ na adax . Ndax kaa ref, ne aa-adax lakas we a laytan , pexey ne ndax um jeg ke buguuma ? Ndax a adax kaa ref layaa lakas we ke da mbarna o mbi ? Ndax kaa ref o and ne mbokatax a d'oxteel mbaat ne d'aap no calel a fi'teel? Lay a qool qac ke a adax a tekita kaa ref ke d'asna .

Xar refu o ga in no a Adax kerceen?

A adax kaa ref lalgand; a Adax Kerceen kaa tekita ref lalgand nen a Kiristaa.

O ga ole na laytaa na adax Kerceen kaa yooḅ o andilooxel : Fokat wiin fo mal kaa mbogna o ga fo calel ndax o waag o jiriiñoor cit ke den boo fi kaa moyna o magin kaa da mbaagkoogeerna o mbi'ood den fa qoox den.

Xar nu mboogu ee ten refu jafe-jafe fee moyna o dikaa a adax ale no ngim onqe kam no me nu ngenna?

Neene koy a adax kaa ref waag o d'ox wiin we ndaa refee gon laa o kiin oxe a cooxeena soom, i mbaaga o nqalaat ee kaa jeg pexey kaa ndeepatima no ne a adax a waagna o maakit kam pokatax kerceen ke mbaat me wiin we a ndaawtaa a cangin.

Ke na sad'akinaa a adax

1. Kaa i eetaa o mbi daalbe.

Keene a waaga o nandit kaa yooḅna o fi'el , ndaa fi daalbe, waa na ndeefaa a Yeesu , adooxu too kaa jeg o njiriiñ no aa-adax we mbugna o nand fa Kiristaa (Mace 28:19). Kaa njegaa coono yaa i mbaageerna o d'ox wiin we da njof mbaamir boo a nand fa Kiristaa fo daalbe waa mayna fo o ngim onqe refna ke na eeteel o cung no a adax.

2. Daalbe na ndefkaa lalgan ne lakas we a mbarna o ndeefan.

Yeesu a cooxta lalgan yee ta bogna a caf ake no daalbe we ten. Kaa cooxit a xoox nen lalgan too a hebil daalbe we ten da mbi leng kut ke (Sanj 13:1-17). Apootar Pool kaa bind ee , “ndeefyo o jaf es ne um reeftaa o jaf Kiristaa (1 Korint 11:1).

3. Kaa i mbi'aa daalbe waa njegna xa tim.

A maydand ale kaa gec'noox no waag o andiloox oxe o taalbe xe a refna na Kiristaa . Daalbe we kaa soxla o njagnel ne da mbaagna o ndimatir mbaat da ndef lalgan no lakas we.

4. Aa-adax faax we kaa tabaxaa jaajal mal faax no jaajal.

Ta ref d'oxaa mbokatax fo neewu no daalbe , adooxan a cangin na biibal fee , mbaat ta ref oxe adooxanna mal ne na ñjaac'naa calel ke, a adax kaa ref d'oxaa mbokatax ndax da mbaag o njiriiñoor cit ke den boo a mbaag o mbadin calel ke ne ta waritna.

5. Len-leng na den a ndaawa d'uum ne Roog ndax da mbi a suptax a jegu o njiriiñ no lakas we.

A jega aa-adax waa nguutatirna fo lakas we no cit pogreer ke da ndaawna too Roog a yod' a den da njeg cit pogreer ke da anditeel . Kam a Pind a Tedu ke, Roog a jila too a njiriiñoor aa-adax waa njegna sañ-sañ ndax da d'ox xeet fee ten da njof mbaamir . Neene, keene kaa maad o jegaa boo xaye , ndaa aa-adax nandu neene mayatee .

Nene boog, xan i eet o *layit jiko fee no aa-adax oxe* yaam no keene refu me a Pind a Tedu ke laytaa.

Ne i njeetaayitna kam lesorj 1, ke moyna xaal a Biibal refu **OXE** o aa-adax oxe a refna ee **XAR** o aa-adax oxe a fi'aa. Nqaariit Nqas ne kaa feeñlaa jiko ne no **Aa-adax oxe fo o Kaynaak oxe no siir ole, Yeesu Kiristaa** .

Kam xa leetar axe mbindeena aa-adax we, (1+2 Timote fa Tiit), Pool kaa laytaa ke waagna o tax boo o kiin a ref o maak kam cangu fee . A refangeerna “ waag a cangin” xa toq xa lakas axe fop kaa laytaa ciko ke no kiin oxe fo no ngim um.

Jiko ne fo a ñaaç'nood' ale no Kerceen ne kaa njeg o njiriiñ too leng leng no keene a laytee a lanq . Kam lesorj ne na garaa , xan i moy o and o *ga ole Roog no tedel* . Cinj kaaga, xan i nga'andoor samandaal ne Nehemi ndax i njag ciko fo a pi'of no aa-adax oxe na jalaa too a mbaag o mbi'el muu refna kam adna fee.

Jiko no aa-adax

- **Ted** – Saad'oox no tedel ole Kiristaa too goorgoorloox boo lalit o tedel oleene kam jiko fee fo a pesoorof ale no ñjoow of. Fat o jeg a tipax no ñjoowdand xa tim axe no Yiif Tedu le , refna ken a laltaa no ndigil o kiin oxe fogna na Kiristaa Yeesu. (o mbeq, o d'aay, jam, o muñ, o paaxel, o buub, damoox, gore)
- **O mer ole** –fat o jeg jiko fa mbaax (a ñaaç'nod' no ngim onqe) fo ke na xewaa kam o ñjoow ole too a taxaa boo Yiif Tedu le a moy o suptang ndax o nand fa Kiristaa. (fa Lay fee Roog, a qef, a padax , o woot wo soom, weejil pakaad of , o ngidim, o paaxel, waag o xoolooxel, a ñootnax, calel ke, seede'aa, etc.)
- **Neewandoox** – Xec'a, jiko ne hupna no ke Yeesu refu o neewandax ole ten. Xorooxi ke taxna o fapoox too bug o ref o aa-adax too fat o yoonandin fo lalgand ne Yeesu layteena kam Filip 2:5-8.

A ñaañnoc' no aa-adax

A adax Kerceen kaa niw ke ta jiriiñooraa no calel um ne ta niwitna o ga ole taxna ta jalaa. Ne o kiin oxe a jaltaa jegee nguutatir leng fo ke ta fadinna boo yut. Den bodu o njiriiñ.

- **Goknoox (ref no jalaa)** – Aa-adax we na mbaad'ooxaa kam calel den kaa njegaa o d'aay yaa da sad'akinaa too a cooxaa calir lakas we ndax da mbaag o nga o xoy ole fo cit ke da ndaawitna na Roog a mbadnoox. O 'Beenqe no kiin oxe kaa gar refree ndax ta dagooxel ndaa ndax ta dagoox too a cooxit o ñis um yaam su'nit no wiin mayu (Mark 10:45).
- **Fokat jaajal (xaajreel / jeg waa doxnaa a seek no calel ke)** – Aa-adax we kaa njegaa o d'aay no calel den yaa Roog a jiriiñooraa a den ndax da sad'akin mbokatax no wiin ndax da mbadin nduleer ne na bisaa maat ne Roog mbaamir. Pokatax ke no wiin we kaa yegaa tuñ ke no nduleer ne too kaa bisiidaa o waag den ye da njiriiñooraa cit den.
- **O saasaytax (ñjoowit no xoox of)** – Aa-adax we kaa bisiidaa o ndimle den onqe moyna o magin ye da ngore'na no **LALGAND** ne Roog a cooxna a den gec'nooxna no cit ke no Yiif Tedu le , **Xeenñ**(a yuxum), ke ta rimteena , o **Waag** ole **Ngiin** ne fo ke ta xetitna no ñjoow um fop. Aa-adax Kerceen kaa ndef waa andilooxna o xoy den too o topatooxan a paax .

FAT I MUUKIT

Fat o xaajrel tig dik kaa jangtoona no lesorj nene fo me bugoona o maak no ne o adooxantaa wiin we.

A Cangin fo xa as no a adax kam o ngim onqe

Leson 2: CALEL KE NO AA ADAX WE KAM BIIBAL FEE

Ciko ke no “aa adax o paax”

Dresser une liste des qualités/traits de caractère des dirigeants très efficaces.

Ciko ke /ke da andidteel	

- Xar refu ciko ke i nga’eerna no ke limeena kam xa saar axe ?
- Ndax “ciko “ ke no aa-adax oxe moyu o may ke ta layteel ndii o waag ole mbaat cit ke ten ?
- Xar refu ke nu ngorooxna ndeer o waag ole no aa-adax oxe fo ciko ke Roog , o rim ole no Yiif tedu le fo Cit ke no Yiif tedu le ?

Ekol ne no aa-adax we ne'eena Pointman: o ga na aqatin ale no aa-adax we na adna fee too a geekanel xiixire we, too aa-adax we no maat ne a mbokatin no bareef 8 ke adooxna layteena kam xa qet xa mayu kam adna fee .

- O woor (ref o kiin o booru, oxe na layaa ndigil , jof , faax)
- Yar fee (damoox, jeg d'aap no ñoow of)
- Ngor (nannan , gore)
- O njaflax (jeg o ga no calel ke , o ngoorgoorlax)
- O neewandax (oxe na dagooxaa ,we na njalandooraa , oxe na jangaa)
- Jeg o woor (no ga of)
- A qoolax (tipoox , jeg o bug , jeg ke na d'oxang
- Njambaar

Nam i mbaagu o liibit xa toq xa "8 axe adooxna" fo ke i limna mene ?

Ne i maadna o suuraa na cangin ale no aa-adax we no ngim onqe , fat i eet o nga ke Biibal fee a jangnitna no aa-adax we Roog a d'uumna kam jangu fee . Yaam ne o aa-adax oxe a feroortaa no taalbe, a cangin akene kaa mbar o maakaa kam o ñoow ole no we ngimna no Yaal oxe .

- Xan i eet o d'eet ke o d'elem aa-adax we Roog a dodna kam jangu fee a tekitna .
- O njiriiñ onqe refna no xaajrel a toq ole no adax ale.
- Ke Biibal fee a layna ten na cungeel no aa-adax we na jangu fee (o ñoowod' ole den) .
- O njiriiñ onqe refna no aa-adax oxen a dagooxaa .
- Wareef fee no aa-adax jangu kam jangu fee : Saytoox, cooxit ñaamel, d'ox, too topatoox .

A adax ale Biibal fee a simitna

1. Ne Biibal fee a tekitna a adax (MAAK WE)

Xa telem xa tadaq na lak gerek na njiriiñooreel ndax da tekit ke refna o footox jangu.

Piyeer 5:1-4

Mi fee refna o maak, seede coono ke Kiristaa , fog itam no ndam onqe wareena o feeñil , maxe xed'aa maak gend es we ndefna a ndeer nuun , da ngay o siir ole Roog da ndoxneena . Kaam ee: Baa ref ee nu mbugiran o mbug , ndaa fat a ref ee yaam ta fel a nuun yaam Roog . Baa ref itam no bug teen xaliis ndaa fo xeeñ letu . Baa nu mbaaf maa nu kelfa'itna we nu ndoxneena , ndaa fat nunndef a lalgand no siir ole . Nu mbi'agaa keene fop , xan nu ndaaw o ndam onqe nen o ndip a yaqooxkeer , yaa o kaynaak o maak oxe a feeñkaa.

- O maak "Presbuteros" (1 Piyeer 5:1 ; Tiit 1:5 ; A pi' ake 20:17)
- O doodfox/ o aa-adax "Episkopos" (1 Piyeer 5:2 ; 1 Timoote 3:1 ; Tiit 1:7 ; A pi' ake 20:28)
- O kaynaak/Pastoor "Poimen" (1 Piyeer 5:2 ; A pi ake 20:28)

Xa telem axene leng kut a ndefu no mee da inoorna... O maak = O footox = O aa-adax = O kaynaak/Pasteer

"Maak we kaa foxaa jangu fee, a jangnaa soo a baare'aa fa Lay fee, a aaraa no jaajangin faaxeer we, a safakinaa soo a mafooxaa tedu we no ngim o mbaax onqe, a d'eetaa jiru we soo a nqefaa, soo a topatooxaa laamit ke win we laamtuwaa no ngim onqe. Na telem Biibal fee, maak we ndefu gaynaak we sont, saa-saytax we, footox we fo yeeyetax we na jangu fee". (Alexander Strauch, Biblical Eldership)

An jegu bokatax no maak/fo gaynaak jangu den ? A sobanga ee nu jegiran, xar nu ngeen nu ?

2. A Doox alaa Xaajreena


Kebil ne no Biibal fee kaa yaac o nandit ee kaa xuraa a in ndax maak we mbog no calel ke. Xar refu paax ke refna na fox alaaa fogeena na jangu fee ?

A juga xa peng 18 axaa na laytaa a fox ale na jangu fee soo 15 na den a ndef a fox no mayu.

- A pi'ake 15 | Jangu ne Yerusalem maak foxoogun.
- Saak 5:14 | Jiru we kaa nqoyoogu maak we na jangu fee.
- A pi'ake 14:23 | a njilana a den maak na jangu fuu refna.
- A pi'ake 20:17-28 | Pool a lulta ndax maak waa no mbokatax ne no gimu we a nqoyiidel.
- 1 Timote 5:17 | Maak we no mbokatax ne no gimu we ndefna aa-adax faax mbaru o ngup ndabid.
- Filip 1:1 | Pool a simna maak we fo diidimle we.
- Tiit 1:5 | Tiit a war'a o fadand calel ke keret soo a dod maak na teeru fuu refna.
- 1 Piyeer 5:1 | Pool a xefooxa maak we da ngay o siir ole da ndoxneena.
- Peng lakas : A pi'ake 13:1, 15:35 ; 1 Co 16:15-16 ; 1 Tesalo 5:12-13 ; Hebre 1:7, 17, 24, Saak 5:14.

Ke faaxna yaa maakwe a mayna

- Kaa da mbodrandaa toole ke fo neew doole ke no wiin we (in fop i njega a seek akaa nqon na, sik magnu, fo cageer).
- Mbodrand ci'it ke (in fop, kaa i laltaa ne kiristaa o magnel ole Kiristaa)
- Yelefat a toq ale (nen misaal, Moyiis fa yetroo - Ex 18 ; o baak xa tiis xa tadaq - Ecc 4:9-12)
- Maakin ngelfa ne



3. A adax ale xelna

- Niiri 1 Timote 3:1-7 fa Tiit 1:5-9 soo limi ciko ke mbarna o nga'el kam o ñoow ole no aa-adax we na jangu fee .
- Xar refu ke nu mbaagna o nga no cit ke fo o waag ole no aa-adax we no jangu fee boo ta liibeena fo o ke na cungteel no aa-adax maak we na adna fee?
- Bindi too fi nitaal ☐ no ke jechoona doole fo ☐ no ke soxla'oona o Yaal oxe a ci'ong doole ndax o maak teen.

1 Timote 3:1-7 (O maak / O dootox / O aa-adax = "Episkopos")

Fa lay feeke a woora: O kiin a naagangaa o diirooxaa o ref o aa-adax no gimu we, oxe diirooxaa tig paax maak. Yaaga boog, o aa-adax waree o jeg ñañel. Kaa war o dam no teem o leng soom, a buuɓ, a fod no ke ta fi'aa, a fañ o hupal, o ñoowoof um itam ta jagandan, a dalnaa we na ngaraa no mbind um. A wara o ref o baagu a cangin itam. Waree koy o ref o yeeyer o say mbaat ta may balu-balu, ndaa kaa war o lewet, a bug jam fa jam, a faño buge. A wara waag o doxaa basil um a paax, xa peem ta yar a den boo da nananan no kuu refna, too a niwin. O kiin a waagangee o dox basil um o mat, kaa andiim ne ta waagkaa o doxit mbokatax ne no we ngimna na Roog. Waree o ref itam oxaa na sogaa o gim, yam ndik o nga'atinax a rokin, ta yen no kate ne o Ci'y oxe a yenna. We mbogeerna no ngimu we sax, paax rek a mbarun o andit, ndax bugkand o jeeraa mbaat ta yena no pog ke no Ci'y oxe.

Tiit 1:5-9 (O maak / O dootox / O aa-adax = "Presbuteros" fa "Episkopos")

Waas'aaxong Keret, ndax o fadand ke jagandoogeena. Ne regdinoorit'oonga o ten, na teeru fuu refna, dodi maaga maak gimu, da adooxan mbokatax ne. Fat o fi'in yaa ga'oona o koor o cegee ñanjel, oxaa damna no teem o leng soom, xa peem a ndef gimu, to ba o leng na den a andtel o late mbaat o yarwatar. Kaa o aa-adax a war o ñak ñanjel, nen oxee Roog a hoolooxna boo a doxnan. Baa ref oxaa ndigil um soom a giñna mbaat ta mat xeeñ. Waree o ref itam oxaa a yer a adinna mbaat ta may balu-balu, xaaliis a waagin o bek no andand. Kaa war o ref oxaa na genaraa we na ngaraa no mbind um, a fex ke faaxna, a fod, a jof na pi um, a ted, a buuɓ. A wara o ref oxaa na reeftaa fa lay fa mbooru fee Roog ne ta jangniteena, ndax ta waag o umbit o ngim no lakas we a cangin a ñoow ale, a maafaa fa lay no we na ñanjaa a cangin aleene.

Seede fa mosu/o mbeq	O muñ	O ngim o motu	O ñoow mbeet-oo-mbeet o tedu	Ci'it fo o waag

Seede fa mosu/O mbeq

- **Ñak panjel** (1 Tim 3:2, 10; Tiit 1:6-7 | Seede o ñoowoof fo ngim o nqoolu ;ñak sik
- **buub** (1 Tim 3:3) | muñ, laabiir, faax, jab o waasanit, jabaa o neew doole le no lakas we
- **Seede mosu ne no we ndeferna gimu** (1 Tim 3:7) | O Yaal oxe fa jangu fee nanoor fo gimeer we
- **Doy o niwel** (1 Tim 3:2) | fod no ke o fi'aa, jagand o ñoow of, a pesooroof a paax a xool
- **Fañ o buge** (1 Tim 3:3; Tiit 1:7) Doyfoor a Roog faño yaawaa
- **Bug ke faaxna** (Tiit 1:8) | jegan lakas we o njiriiñ, faax na den, laltaa o mbeq fo o paaxel
- **Ted (Tiit 1:8)** | boxotoox na Roog fo fa lay um
- **Ngenaraa wiin** (1 Tim 3:2; Tiit 1:8) |, jabo fog fo wiin we o jeg of, lalaa a den o mbeq o njegee luq-luq
- **Jof** (Tiit 1:8) | jof na pi'of, fañ o rimbaajaa, far kiro

Muñ-buub

- **O muñ/buub** (1 Tim 3:2, Tiit 1:8) | « O dal », fod o mbid, muñ, hate'taa o cofel
- **Fañ o may balu-balu** (1 Tim 3:3; Tiit 1:7) |waree ref oxaa na « unreel kurpeñ », kaa war o waxtaanaa yaa ñak o nanoor a garna.
- **Waree o ref oxaa a yer a adinna** (1 Tim 3:3; Tiit 1:7) | waree ref o yeeyer o say, kaa war o ref o kiin ndigil
- **Waree may balu-balu** (1 Tim 3:3) |, kaa war o ðopaa fop, a fodrand soo a niw win we fop
- **Waree ref oxaa ndigil um soom a doyna** (Tiit 1:7) | fañ o nanadar, a magnandoox , ndaa kaa war o fex o jalaa fo lakas we
- **Waree o mat xeeñ** (Tiit 1:7) | ñof o nangiloox, yiixaa o lay, fañ o mat xeeñ

O ngim o maaku

- **Waree o ref o qas no ngim onqe** (1 Timote 3:6) | waree ref oxaa na sogaa o gim, moytoox a magnandax fo o nga'atinax
- **A feetlooxel** (1 Tim 3:10) | o ngap onqaa ta feetlooxeena
- **A saadfoox no ndigil** (Tiit 1:9) | a reeftaa fa lay fa mbooru fee Roog nee ta jangniteena

Mbind tedu (dolnirel jeg xa piy refree o sas, ndaa o kiin a jegangaan, kene waagee o ñak.)

- **O kor no tew o leng soom** (1 Tim 3:2; Tiit 1:6) A ñak panjel a ndeer um fo rew lakas we fo dolnir um fo o teem o leng
- **A dɔxaa pasil um a paax** (1 Timote 3:4, 12) | a dɔxaa mbind um
- **Xa ðeem a njeg nanan a njeg fa yar** (1 Tim 3:4; Tiit 1:6) | a njeg fa yar, a nanan a faap den
- **Xa ðeem gimu a ndef** (Tiit 1:6)

Ci'it fo o waag

- **A wara waag a cangin** (1 Tim 3:2) | and a pind ake, bug a cangin fo o waag fa lay a paax
- **A umbaa o ngim no lakas we** (Tiit 1:9) | a sadakinaa soo a maafaa fa lay no we na panjaa o ngim onqe

4. Ref o aa-adax oxe na dagooxaa

"Yaaga koy, mi fee O Yaal oxe fo fo o Caajangin oxe, um boganangaa a nuun a caf, nu mbara o boganraa a caf itam. Kaam halan a nuun a fat, ndax nu ndeef o jaf es, mbi'aa ne fi'anuuma a nuun." Saŋ 13:14-15

"Cinj yee Daali maad Koostaante a fi'na a fat kerceen ta refat diine fee no maat ne no hiid 312 a cinj Yeesu, o ngim onqe ñagadiloogeena yaaga refata o qaaxaw o soxodu no fop we ñoxorooguna. Mbokatax jangu fo aa-adax waa yooneerna fo a Pind a Tedu ke a ndeefan'a o bug maat den, fo gon maak fa sañ-sañ a bisloox a den. Maat roorom we sax a doon a xa pay den na maak ale no cangu kerceen ke. O ñak panjel ole no fog ole no gimu we no nqaariit ngas ne a naang furaas. Kaa koy, boo i niiraa ewańsil ke, kaa i ngoytuwaa yee keeke refna fer lee no fog ole no gimu we ta ref,ngiḃoor, o mbeq, a neewandax fo jab o ref o tag no lakas we den ndefu ndef xeeñ le no ke Yeesu a jangnitoogna. Keeke refu no raḃan a cangin ale no Caajangin oxe in no keene". (Alexander Strauch, Biblical Eldership)

- | | |
|-----------------|-----------------------------------|
| • Mace 11:29 | O buuḃ fo a neewandax |
| • Mark 9:33-35 | Newandoox dagwaa fop |
| • Mark 10:35-45 | Sadaxit xoox of, dagwaa soo coono |
| • Mace 23:1-12 | We neewandooxna xan a magnandel |
| • Lik 22:24-27 | Oxe na dagooxa |
| • Saŋ 13:1-17 | boganraa a caf |
| • Saŋ 13:34-35 | O mbeq |

Nam nu nga'tu o neewandax ole , oxe na dagooxaa, fo o mbeq onqe mbeeñleena kam xa saar axeene ?

Biibal fee kaa coxtaa lalgan jegu o njiriiñ no bargal ke no aa-adax we kam jangu fee. A jega xa saar xa ḃaq axaa mbaagna o ndimle a in no keene ndefna

A Pi ake 20:17-38 fo 1 Piyeer 5:1-4.

- Fat o niir xa saar axe fop too andiloox fo ke refna bargal ke no maak we nen saytoox, bisiid ñaamel, ḃox fo topatoox o siir ole.
- Heseeki'el 34:1-10 kaa cooxtaa lakas kaa guutatirna fo " gaylooḃe we" fo fop ke a Biibal a maad'ooxaa o aa-adax oxe ndax ta moytooxin yaa ta gayaa jangu fee . Yeesu refu lalgan ne hupna no Kaynaak o Paax oxe .



Xa gaylooḃe xe

- Naangee o safakinaa o siir ole
- Naangee o mbodandaa oxe jirna
- Naange o mbodandaa a uut ake
- Naangee o nomtiidaa paal ke mo'na
- Naangee o widaa we mo'na
- Ten na taxaa boo a siir ole a tasaaroox

Kaynaak faax we : Yetoox, Ñoowin, 'Dox too topatoox o siir ole . Kaa njabaa o cooxit xa ñjoow den yaam paal ke . Kaa andaa paal ke den , too paal ke den itam a anda a den .

Bargal ke no maak we na Biibal fee

A pi'ake

- A pi'ake 11 :29-30
Maak we kaa ndaawaa too a saytooxaa xaaliis
- A pi'ake 15
Maak we kaa da asaa soo a njofoorandaa

• A pi'ake 20:17-38 (o peng caabi le) →

Xa leetar axe Pool a mbindna cangu ke

- 1 Tesalonik 5:12-13
Andind, niw soo fex ne ta waritna, soo ñoowaa na jam fo aa-adax we
- Filip 1:1
Maak we kaa da anditeel nen saasaytax

Ke Pool a janginna a Timote

- 1 Timote 3 :1-7, 10
A pesoorof wala ciko kee na cungeel no maak
- 1 Timote 4 :14
Maak we na njilaa soo ndodaa jaajal we
- 1 Timote 5:17-25
Aa-adax faax we a mbara o niwel, a jangnaa soo a mbare'aa; mbaree o njaɓ muk kaa o maak na jangu fee a jambeel; a yaraa maak we

Ke Pool a janginna a Tiit

- Tiit 1 :5-9
ciko ke na cungeel no maak jangu

Ke Piyeer a janginna maak we Asi →

- 1 Piyeer 5 :1-4 (o peng caabi le)
Gaynaak o siir ole Roog ne Roog a bugtuuna ndax o daaw ndabid ne Roog

Saak – ke ta jangnitna ta jof no jiru we

- Saak 5 :13-15
Xedɗaa o ngim, duum diwliin, topatoox bakaad

Hebre : nanan aa-adax we

- Hebre 13:17
Nanan soo jaɓan we na foxaa ; maak we ndef we na gaynaakaa o ngim onqe no sir ole ; o sir ole kaa war o yooɓand cael ke.

Xar i mbaagu o njangit na Pi'ake 20:17-38 ?

Teetaqinyo mbargal ke no maak jangu we nandna nen gaynaakaa, ñoowdandaa, doxaa soo a saytooxaa o sir ole.

- v.18 _____
- v.19 _____
- v.20 _____
- v.21 _____
- v.22-23 _____
- v.24 _____
- v.25 _____
- v.28 _____
- v.29 _____
- v.31 _____
- v.33 _____
- v.34 _____
- v.35 _____

Bargal kum/ciko kum nu nga'u na 1 Piyeer 5:1-4 ?

Gay o siir ole Roog

Bug o dagoox, jalan o Yaal oxe (a tipax /a pesoorof)

Faɗ o ref oxe xaaliis a adinna

Faɗ o ref o kiin oxaa domna tig mbaat ta nootaa lakas we

Ref lalgand (too gimu we fop andin)

Niiryo o fof ole no safe le Alexander Strauch, Biblical Eldership, soo mbaxtaanyo no njiriin onqe maak jofu a njegna na jangu fee soo nqetyo ndax Roog a bisiid maak nandu neen no cangu ke in.

Referee soom ee d'oxaayo lakas we ndagwaa a den, ndaa we ndefna maak jangu kaa mbar o njagandaa ngiiboor den a neewandoox soo a mbexir a ndeer den. Kaa mbar o mbaag o mbaxtaanaa bo a nanoor no tig fo tig, a mbogaa o ngir, a yaawnoox, a nangilooraa, a mbaag o ngendaadooraa, a mbaasanraa, a jabo panjel a nomteel, a mbeejliraa pakaad den soo a niw o and fo a qalaat ake no lakas we, a refangaa sax waa da bogteerna o ga'.

Kaa mbar o jabanir a nananir, a mbaxtaanaa no o paaxel fo o buub, a muñanaa we da mbogitna calel, a yufgiraa a ndeer den a laya a qool qac a qalaat den no ndigil fo o mbeq.

Maak we moyna o njeg ndoole a moy o ngarañ mbaree o njiriinooora ci'it den, ne wiin jegu ci'it yoqwe a meruuna o mbi'taa, ndax da sasaayo win we a dat xooxood den a nquftaayoo den ee kaa da sutooxkaa jangu fee a bisluwaalee dalbe wee den. O yeg xoox of o hupu leene kaa oraa a ñoq no cer ke too kaa saf o xed sax, kaa bisiidaa nqaajoor no bokatax ne a xañtaa jam kam o fog ole no gimu we.

Pexey no jafe-jafe nandu neene referee yee fop a ngar no o bug ole no kiin leng soom mbaat was jangu fee. Pexey ne kaa refkaa yoband soo ñaay o ndang. Pexey no kerceen kaa ref neewandoox, mbexit ne Kiristaa a fexitna, bogandraa a caf, dicoox, nananir, nqeda, mbaas a magnandax, moytoox ñofandax, niwir soo mbexir.

Maak ndigil we kaa coono'aa a ndoxondooxaa toq ke no wiin we domeena o yoonit a may jafe-jafe ndax fo mbaal fo ndeñ ne nqon kee. Kaa ngatlaa ñak-o-and fo pakaad ke no lakas we ndax mbokatax ne a waag o ñoowaa na jam. Maak ndigil we kaa ñakaa o daan den ndax lakas we a mbaag o ñootnoox. Kaa da boxottaa a qoox den fo o daaw den fa doole den ndax lakas we a mbaag o njeg ne moyna na den. Kaa da deettaa a xoox den nen waa ndefna dug sañ-sañ fee Kiristaa. Kaa da yaakaaraa na Roog ndax ta ci' a den o and a doole'naa a den, ndaa nangee yaakaaraa na doole xoox den fo o waag den. Kaa da mbaambnooraa fo we na mbafaa o maaf o ngim onqe fo jaajangin faaxeer we. Kaa da nqoxtaa mbokatax ne no o jeg xoox den na Kiristaa ndax gimu we a njeg kaa sad'akinna a den a maakin ci'it den, a maak no o ngim soo a ndagooraa.

Alexander Strauch, Biblical Eldership, page 98

Lesonj neene kaa fop ke soxla'eena no ke a Biibal a layna no aa-adax we nen a adax ale xaajooreena, a adax ale xelna fo o aa-adax oxe na fa'ooxaaa a ref oxe na saytooxaaa, a cooxtaa ñjaamel , a d'oxaa too a topatooxaaa o siir ole Roog da ndoxneena.

- **Xar refu xa toq axe na adax ale Biibal fee a cooxitna moyeena soxla kam jangu fee xaye?**
- **Xar refu a suptax ale waagna o jeg kam jangu fee boo aa-adax we a njeg'ina ciko keene fop ?**

Boo nu muukaa lesonj ne, fat o xaajir fo oxe o jaltaa no tañ-rañ ke moy'oonga duq no ke jangoona too cinj kaaga, fat nu njeg baxtu faa oxuu refna a xed'ankaa o lakas oxe ndax ta maak too a jeg jiko ne Kiristaa nen o aa-adax.

A Cangin fo xa as no a adax kam o ngim onqe

Leson 3: A CANGIN FO O GA NO A ADAX NQOTTEENA NO ÑOOW OLE NEHEMI

Xar refu nguutahir ne jegna a ndeer a 'Dox fo a Adax?

John P. Kotter, a ref o piibind fo o caajangin o maak kam ekol maak ne refna Harvard Business School, kaa andel a paax yaam calel um no kaa jofna no a adax .No xiid 1996 a safe le, *A 'Dox ale na Suptax ale*, Kotter a cooxta a cangin alaa laltina nguutahir ne jegna ndeer a 'dox fo a adax .

A 'dox fo a adax kaa ndef kaa soxla'eena ndax calel kuu mbaagna o mbi'eel kam o mbi'i onqaa a suptax a jegaa no i'ofu . Leek-leek, 'doodox maak we kaa mbi'eel aa-adax yaam ne da ndefna waa 'doxaa ne ta waritna. A juga a waag fo pexey mayu pogreer kaa aa-adax we a soxla'na.

'Doodox we kaa njalaa ndax pokatax ke da adooxanna a i'aayit ne ta waritna .

P 'Daap fo xalis ne na i'aaynaa calel ke

O Fokat fo jaajal we

C A 'dox fo o ga no jafe-jafe ke

aa-adax we kaa ndimle'aa pokatax ke ndax da maak , a liib too a waag o i'aayit kam camaane pogreer ke.

S Cooxit a 'dat ale wareena o reef too dalin o ga

A Fi boo calir ke a yoon

M Fap too cooxit lalga

No mi'ju kaa, John Kotter a cooxta a cangin akeene na 'dox fo a –adax, Nehemi a i'joow a den na pexey yirmande fee Roog ndax ta fadin tig magnu ndax Roog a boxotel o ndam. Nehemi koy kaa ref'u o aa-adax o maak oxaa andiloox'ina o njiri'i no jeg pexey no waag o 'dox . Fat i yoonandoor to nga pexey ke fo o waag olaa suptookeerna .

A Cangin fo o ga na adax ngotteena na Nehemi Ke adooxna

	Esdaraas Chapters 1-6		Safe le Esteer	Esdaraas xa saar 7-10	Nehemi
559 BC	536 BC	516 BC	483 BC	458 BC	445 - 425BC
	A nomtooxiid ale Serubabel (w/ 50,000 mbad' ne)		Esteer a refata lingeer	A nomtooxiid ale Esdaraas (w/ 2,000 mbad' ne)	A nomtooxiid ale Nehemi (w/ a kiid axe no mbad' ne laytaan)
	A ,axatin ale no mbind Roog ne	Calel ke no mbind Roog ne a yuta		Fokatin xeet fee	A maxatin ale
Cyrus 559-530 BC		Darius 521-486 BC	Xerxes 486-465 BC	Artaxerxes 465-425 BC	

Nehemi a suura fo o ga o falakaand ole Esdaraas a jegna no xeet fee Roog dalneena no saate den a cinj yee da inoorna no mbad' ne Babilon , too kaaga adoox'u jamaane fa miŕu too a niŕaan , xaaj'ina Nqaariit d'ik ke na Biibal fee wiin we a cungoogna o ndaaw yegnit ne na talin ale f a bat ale Roog (xa kiid 400 axaa Roog a layeerna). Wiin mayu a ngeeka a cangin na adax ake no safe leene . O kiin o c'iyu xe, o qeexed' , a ne'el Nehemi a d'oxa faan dadkandeer le inoor'ina no gadaay le Babilon a nomtooxiid Yeerusaleem too a fokata xeet fee fop, a ndeer no wiin waa na ŕoxoraa a den ndax yodatinkee tabax ke yenna too a ŕoowit nen xeet fee Roog fo fa lay. A safe leene kaa laytaa ngor ne Roog fo xeet fee ten gore'adarna. Nehemi a d'oxa xeet fee farna fo yaakaar na Roog fa njegu doole too a jar o xoolooxel. Tabax ke yodatineena no kebil Nehemi laltee diid mbaat oxaa keseena ndaa Roog fee na saytooxaa xeet fee ten ta jilna too na pexey um ta bug o fadin d'aap ne ta jegna no mucil wiin we fop.

Ke safe le Nahami o fopna

O saar 1: Jafe-jafe fee, o xoy ole Nehemi fo o jaaŕ ole; a qef no neewandax fo itam weejil pakaad of ; o ga ole Roog a dalinna.

O saar 2: jeg njambaar mbaamir o maad oxe , ŕagadil ke , d'aap ne too cooxit kebil no me mbarna o mbi calel ke a mbarna o ndeef ndax da mbadin a den .

O saar 3: geenin mal no jaajal / maxatin saŕe ke , xooy wiin no ga ole fo d'aap ne , refee calel soom .

O saar 4: we na ŕoxooraa fo d'aap ne; fa lay faana / xeeŕaa – a qef fo a pi ; ŕagadil ke – ; cooxit pexey kam jafe-jafe ke; ref lalgan yaa o d'oxaa lakas we .

O saar 5: waag o yeg too andiloox ke xeet fee a soxla'na , jasnoor fa coono ke , jaŕ o reef no coono .

O saar 6: we na ŕoxorang a ŕaatooxa – we ndefna tafil fo we ndefna kam ; ke na yaqaa calel ke fo naanaxir ke; fat o gen no jof; a max ale a yuta!

O saar 7: Dod d'oodox lakas , lay fop ke a d'ox ale a laamitna .

O saar 8: Niiri too jangni fa Lay fee Roog , siwandin fo o d'aay yoonandtin o ngidim .

O saar 9: Weejil pakaad, o neewandax.

O saar 10: Dakoox o feediin a tipax of too nannan o Yaal oxe.

Xa saar 11+12: Maydand Yeerusaleem fo wiin; saŕe fee a ŕoxotee o Yaal oxe, jalan o Yaal oxe, oxuu refna a fadna wargal um.

O saar 13: Calel ke naangaa o yutaa; a supit a palagaand ake – ric'atoox genar we, saytoox bes fee na ŕootnax ale, gay o qoollel kam ndolnir ne.

A cangin no kaa jofna na adax qotteena na Nehemi

Xan i nga boo kaa fadna xa toq betaa-naxak na cangin ale no aa-adax we , ngec'noox no ijoow ole Nehemi refna lalgand fee o aa-adax oxu refna a waagna o reef . Kam a cangin alene, ken a layteel refree soom no we ngooyeena a ndef aa-adax nen pastoor ke, maak we, fo mal ne no maak we no jangu fee. A cangin ake a mbaaga o cooxel o kimu xuu Roog a xooyna ndax ta dox kam ndolnir den, basil ne, calel ke no jangu fee, no xoy o eetand den , fo kam saate den.

1. Aa-adax we Roog a jilna kaa **ndimle'aa wiin we fop** .
2. O aa-adax oxe kaa andilooxaa **daap ne fo o ga** ole Roog .
3. Aa-adax we Roog a jilna kaa **topatooxaa wiin we kam coxla** ke den.
4. **A qef ale** a jega o njiriiŋ ndax o kiin oxe a andiloox o bug ole Roog .
5. Aa-adax we Roog a jilna kaa **njilaa mal ne da njaltaa** .
6. Aa-adax we Roog a jilna **kaa mbapaa lakas we too a ndef lalgand** .
7. Aa-adax we Roog a jilna naangee o ngooyaa mbaat da **iŋak yaakaar yaam coono ke fo faŋ** we .
8. Aa-adax we Roog a jilna kaa njegaa **pexey no jafe-jafe ke na nqewaa** .
9. O aa-adax oxe Roog a jilna kaa daawitna na Roog **o ga o wooru fo a tipax** akaa njegeerna luq-luq fa leng .

1. O aa-adax axe Roog a jilna **kaa jaabaa o xoy ole** (1:1-4, 5-11)

Niiri 1:1-4

Jegee a peeŋax a jom'antu a leng na Roog .
Nehemi ref'ee o saasadox , o tuleer mbaat o maad.Kaa reedu o tag .
Nehemi kaa daawit'u nduleer no pog um soom .
O xoy ole Roog no aa-adax kaa ferooxaa yaa jafe-jafe a jegna .

Xar refu ke Nehemi a fi'na yee ta jasnoorna fa jafe-jafe ke ?

Xar na gefaa xeeŋ of ?

Niiri 1:5-11

Xar refu ke i mbaagna o nga na qef ale Nehemi ?

Na pexey a qef ale o ga ole Roog a maaktu kam xeeŋ le Nehemi .

Toq o hupna o njiriiŋ : Waag o andiloox a paax o ga ole fo o xoy ole mbarrena o njaaɓ , na taxaa boo o kiin oxe jeg doole a waag o goorgoorloox yaa wiin a iŋoxoran mbaat ta faambir fo jafe-jafe ke.

Layti samandaal kam o ijoow of maa jeg'oona coono fa domu ndaa jeg'aa njambaar ndax o jaab o xoy ole Roog.

2. O aa-adax kaa andilooxaa ne Roog a **jaltaa fo o ga ole ten** (2:1-10, 11-20)

“O ga olaa yooneerna fo kaa ref nen o d’aad ijaal soom .A pi ale yooneerna fo o ga kaa ref nen o d’aad o faaxeer soom .” O fefit no saax laa Japon

“Wiin we naangee o ndeefandaa ke d’aapeena , ndaa aa-adax we da mbi’na nen sambandaal. Kaa mbugaa o mbadin o ga ole da mboogna yee ten hupu a qoox den o sax, kaa da mboogna yee a mbaagaan o mbadin too mosiran o ngalaat mbaat da mbigin o mbi . Neene, yaakaar ne a innora no kiin too a suur no kiin o lakas ... Yaakaar ne kaa jegaa doole yaa aa-adax we a ndefna no calel ke.” John White, Excellence in Leadership

- a. O aa-adax o paax kaa jegaa o ga o xoolu no ke Roog a bugna fo ke ta d’aapna (Nehemi 2:11-12).
- b. Fat a eet o d’aap sogkaa o fer calel ke.
- c. Fat a ref oxaa jegna cit no waajan too a d’aap calel.
- d. O ga ole Roog nangee o d’omaa o andel (“maxatin sange ke”)

Niiri 2:1-10

Roog kaa fer’u o maaknaa o ga ole Nehemi na pexey a qef fo a cang na fa lay fee Roog .

Kaa waajan’el ndax ta laamit o maad ox eke ta soxla’na na ijaac’ ale ten Yeerusaleem fo ke ta d’aap’ina .

Neene, o maad ox a waasa a Nehemi ndax ta waag o nomtoox Yeerusaleem .

Niiri 2:11-20

Aa-adax we kaa nga’aa ke lakas we a mbaageerna o nga .

O aa-adax o paax kaa eetaa o liib ke na xewaa soo a sogkaa o ref na pi .

Yee ta fadna, ke ta eet’ina o fi ref’u yee kaa wid’u saate fee too o leng ga’iran ndax ta ga ke yaqooxna too a fi d’aap o waag o maxatinin . Aa-adax we kaa eetaa o mbi d’aap soo a sogko ndooraa calel den .

Aa-adax we ndefu we mbarna o ndimle lakas we da mbaag o andiloox ne jafe-jafe ne a fodna too a yoon no ga ole .

Xar nu mboogu yee ten taxu Nehemi a eetit neene (yoone fo fangax / fo o neewandax?)

Xar nu mboogu yee ten taxu ta bisloox wiin lakas ndax da liib ne yaq ne a fodna?

Nehemi a andiloox’a a paax o ga ole, nam keene a dimle’tun ndax ta jasnoor fo fañ we yaaga sax ferafullee calel ke?

3. O aa-adax o paax ox eke kaa **topatooxaa , a dimle’aa wiin we** kam coono ke den (2:10, 17-20; 5:6-13, 14-19, 10:28-39)

- a. O aa-adax o paax kaa jegaa o mbeq no wiin we sakeena no nitaal fo no nand Roog.
- b. O aa-adax o paax kaa saytooxaa xeet um no paaxeer kuu ndefna.
- c. O aa-adax kaa jega yirmande no xeet fee ta d’oxaa (4:10-12, 5:1-5)

Roog xooyee o aa-adax ox eke soom ndax ta fadin calel ! Roog kaa jiriijooraa xeet um ndax ta fadin d’aap ke ten . Aa-adax we kaa mbar o njeg yirmande na xeet fee Roog, keene na taxkaa boo da tipoox too a d’ox a den ndax da ndeefan d’aap ke Roog ne ta waritna .

Niiri 5:1-13

Xar refu jafe-jafe fee fo nam refu ne Nehemia a laltitna o mbeq fo yirmande na xeet fee ?

4. **A qef** kaa jeg o njiriiñ ndax o andiloox o bug ole Roog (1:4,6; 2:4; 4:4,9; 5:19; 6:14; 13:14, 22, 29)

Xar / An refu oxe nu nqoolooxna boo nu ndooneerna yaakaar nuun na Roog ?

A qef kaa ref o toq ole layteena kam safe le.

- O saar 1: O xoy ole Roog kaa fadnooxta na pexey a qef .
- O saar 2: O ga o xoolu, o jeg yiif, njambaar fo njektiran kaa ndaawteel na qef ake .
- Saar 4-6: mbaambir no fañ we, Nehemi kaa eet'u o xed' cinj kaaga a fera calel ke

A Qef : Xedí no fop ken a xewaa, fat o xedaa kili, Fat o xedaa too jalaa itam , xedí na waxtu fuu refna, xedí yaa pexey a jegafuleerna , xedí fo fa lay fee Roog , xedí fo o ngidim , xedí too gec'noox na Roog . Xedti o cofel fo o neewandax . Xedti na pexey Yiif le, ...

5. O aa-adax oxe Roog a jilna kaa jilaa wiin waa mbaagna njal fo ten (2:18, o saar 3)

O saar 3 le kaa may muut fo a kon , we adooxanna basil , wiin we na njalaa me da ngenna , we mbogeerna cosaan , we yoonna no ga o leng ole , mbaag o mbi tig mayu , a mbaag o mbodran cit ke fo o waag ole .

- O aa-adax o paax kaa d'aapaa fop too a adin wiin lakas , kaa fi'aa soom ke ta helna o fi , a cooxit fop ke helna o jaltel, a sadakin lakas we ndax da mbi fop ke ta waagna o fi (Nehemi 2:6-8; o saar 3).
- Aa-adax we kaa moy o adnaa lakas we ee qupu ke da mbi'oodaa , naangee o mbi'oodaa ndaa kaa njalandooraa fo lakas we !

Aa-adax faax we kaa njilaa waa da njalitna too a ndoxin a toq ale lakas we . A cinj ye Nehemi a xorooxna boo a ga ke xew'ina fop too a fi d'aap ndax ta fer calel ke , a xaajra fo lakas we ke ta d'aapna ndax da ndimle'in no calel keene. Aa-adax faax we kaa andilooxaa ee a soxla'a lakas we too ndax ta motand calel magnu keene, a soxla'a wiin mayu a ndamtin.

Refee calel kaa o kiin o leng soom a fi'kaa .

Waag o xoyood o kiin oxe kaa jeg o njiriiñ yaa bugoona o fokat mal no jaajal (moytooxi o bindaa yaa waroona lay fa den, mbaat o jalaa fa a qaaj o leng soom soo waas lakas we).

Ja6 o fokat lakas we no calel ke too coox a den sañ-sañ . Xar taxu boo tig fik keene fop a kaa soxla'eena mene ?

Ndax kaa o fi'aa kupu ke o simeena no calel no aa-adax of ?

Ndax koo ga ee kaa d'om ndax o xaajir fo lakas we a toq ole no calel ke ? Xar taxu ?

Ndax jangu of kaa moy o nandit a oto ndii me ñjiiñax ke a ngennaa ?

6. Aa-adax we Roog a jilna kaa **mbapaa too a ndef lalgan no lakas we** (xa saar 2-12) (8:1-8, 9-18, 12:27-43)

Aa'adax faaxu we kaa bisiidaa ndef fo a tipax no we da njaltaa . Nehemi kaa d'ox'u xeet um yee fañ we den a inooxanna a den , too na pexey a tipax um nen o aa-adax, xeet fee a yoq'a fo ten no calel ke . A ndam'a den fop no calel ke boo neene fop a yutu . A yoon den fop too a njalandoor , o leng a maxaa soo o lakas oxe a saytooxan ndax o pañ duqkiran .

Aa-adax faax we kaa ngidmaa a Roog no fop ke ta fi'aa . A cinj Esdaraas, o saasadox oxe a jang'a kam safe le no kebil ke , Nehemi a xoya Leelewi we kes'eena ndax da boxot a Roog o ngidim no fop ke ta fi'na , ne ta dimle'na aden boo da motand calel ke no max ale no sanje ke Yeerusaleem .

Nehemi kaa ref'u samandaal no we ta d'oxoogna (Ch 4), kaa topatooxoogu xeet fee (Ch 5), kaa jangnoogu fa Lay fee Roog (Ch 8), fi'oogu toofeen, xa qew (Xa saar 8 and 12).

Waag o fadin a cangin akeene fop na laytaa no a adax kaa ref no ndigil kaa na fapatinaa too a yokaa we mbokatoorna ndax da njalandoor too itam kaa ref seede njegu doole no ga oleene, o ngim fo ndef leng kaa ngat na adax ale fi'teena ne ta waritna .

1. **O ga o xoolu fo d'aap ne** (O xoy ole)
(A cangin ake #1 fa #2)
2. **Fokati wiin we** (da mbaag o njegooxin, jaajrel o ga ole , we na jalandooraa, topatoox wiin we)
(A cangin #3 fa #5)
3. **Xoloox a Roog** (Sax no ngim onqe too gec'noox na tegit ake Roog, wetandaa wiin kili o paaxel ole fo ngor ne Roog)
(A cangin #4)
4. **A koorgoorlax fo a tipax** (Fat o gen no tipooxaa no ga ole , o ñakangaa yaakaar sax oo, wetandooxi o ga ole)
(A cangin ake #6 fa #7)
5. **Daap ke fo a ñaac'noof ale no calel ke** (ke xayma'eena , layti jafe-jafe ke fo pexey ke , fiisi ne calel a mbarna o ndefit too laytaa ne calel ke a ñaac'taa , xac'ti yiif fop ke duqna o ga ole) (A cangin ake #2 fa #8)
6. **Fi toofeen too gidim a Roog** (ke fi'eena kam calel ke fop , muukandoong ne no calel ke , fi pexey kaa na bisiidaa ndef leng) (A cangin #6)

Layti ne o faptaa wiin we o d'oxaa .

7. O aa-adax oxe Roog a jilna naange o **ñakaa yaakaar yaa fañ we a anooxanuuna** (4:1-10; 6:1-9)

- a. O aa-adax o paax kaa fapoox too a sadik mbaamir d'eetlax ke (Nehemiah 4:1-10).
- b. Kaa laltaa njambaar mbaamir taamaala ke fo d'eetlax ke .
- c. O aa-adax o paax naangee o xac'looxaa kam d'eetlax ke mbaat ta ñak yaakaar .
- d. Aa-adax we kaa d'eetaa coono ke nen kaa fogna no calel ke no aa-adax oxe .

O aa-adax o paax oxe naangee o sad'araa o jasnoor fo coono ke mbaat o pañ oxe . A cinj ye li-isra'el we a mberna calel ken a maxatin ale no sanje ke , a jeg'a waa inoox'ina a ngen kam o jegel ole Palestin ndax da ngeenin calel ke. Nehemi koy kaa sadik'u too a yoon fo njambaar too a reta no fog um ndax da motand calel ke.

“Waag o d'ox daalbe we da andiloox ee ndax da motand o ga ole na laytaa na adax kaa gec'nooxkaa no ne da mbi'aa yaa o ga mbaat yeg-yeg faa yooneerna fo calel ke a jegna too a waag o dik a den yaa da mbexeyaa o mbi paax . Kaa mbar o mbi o ndang yaa da tipooxna o mbi tig mbaat da ndakoox o mbi kaa fi'eena , refna ke warna ndax jafe-jafe ke fo coono ke ndefkee a panq too da mbaag o motand calel ke .

8. "O aa-adax o paax oxe kaa jegaa **pexey yaa nanooradfar a jegna** (o saar 5, 13).

- a. Aa-adax we kaa topatooxaa mal ne mbaat mbokatax ne fop.
- b. Aa-adax we kaa inooxaa no ndak-fo-ndak yaa soxla mbaat coono a jegna fo ne a biibal fee a laytuuna (Mace 5:24, 7:1-5, 18:15-17)

Kene kaa ref pexey naa wageena o fi yaa jafe-jafe a jegna .

Faṇi o yapatil jafe-jafe ne jegna (Neh 5:6)

- Bar o xeeṇ
- Boo ta refna ndef leng ne no wiin kaa neew doole, fat o fi pexey .
- Fuux le a waaga o jeg (yaa pakaad a fogna teen).

Fat o geenoox, Xed, too Xalaat a paax (Neh 5:7)

- Fat o xalaat too o xed' boo o jomko fo layaa .
- Fat o nalgiloox a Roog .
- Saak 1:19-20 (Fat o ṇi of o nangiloox, bar o ṇi of o lay, bar o ṇi of o fuux)
- Kaa I soxla o jeg yiif ole Roog (Saak 3:13-18)

Layti jafe-jafe ne too cooxit pexey (Neh 5:7)

- Fat o xet fo o kiin o kiin na pet ndax o lay fo ten .
- Fat o eetit no mberaand naa, me fop a inoorna
- Watandi a den ke layee kam fa Lay fee Roog (Ndigil ne)

Mbaamir no fop, faṇi fop ke na ḡisiidaa nqaajoor (a warangaa o fi'el) (Neh 5:7)

- Fat o fokat teen lakas too o andnoor a den ke xewna fop .
- Nehemi a xoyta o xet . Kaa soxla'u njambaar ndax ta dēet ne aa-adax we a njaltaa , den we sinjna calel ke .

Cooxti samandaal no xe na dimle'taa fo xeeṇ letu (Neh 5:10)

- Nehemi kaa jaloogu no saṇe ke ṇi'aal fo o yeng , kaa aaroogu xeet fee, kaa xed'oogu , kaa topatooxoogu xeet fee, kaa dimle'oogu rool we .
- Ke hupna no jafe-jafe ken a njegaa kaa inoora a dēetaa ke feloonga soom mbaat ṇi'aat o ga ke o cungaa .

9. O aa-adax oxe Roog a jilna kaa saqaa **o woor fo a tipax** a inooru na Roog, too jegēe luq-luq fa leng (Nehemi 13:8-24).

- a. O saḡar a Roog too woor kaa maafaa o jeg o daaw ndax o fi kuu feloonga.
- b. A Pind a Tedu ke nqupu o mbaax onqe.
- c. O ga ole na Biibal fee hupu o ga ole na adna fee

O aa-adax o paax kaa saqaa ciko paax too a gore teen. A cinj ye saṇe ke a maxeena , xeet fee Isra'el a ndakoxa'ina o mbi'aa kaa faaxafarna na kid no Yaal oxe . Kaaga a fedar'a a Nehemi lool too a xoy'a xeet fee fop ndax ta laamit a den ke xew'ina.

O aa-adax o paax kaa fi'aa boo ke ta d'aapaa fop a yoon fo fa Lay fee Roog. Yee ta eetna o nand ee saṇe ke Yeerusaleem kaa yaqoox'u a yufginoox'a a Roog. Yee ta jegna wiin lakas waa na njeemaa o yaq d'aap ne ten too a ndef xeet lakas , a xed'a ndax Roog a saytooxin. A cinj yee saṇe ke a maxatineena boo yut, Nehemi a xoya a Esdaraas fee o saasadox oxe ndax ta wet a safe ke no Kebil ke too a niirin.

Ke safe le Nehemi a fofna no xa as fo a cangin no kaa jofna na adax o saar fo o saar.

1. Andiloox o xoy of (1:1-11)
2. Fat o xed' no fop (2:1-8)
3. Sadik no ngor ne (2:9-20)
4. Jil aa-adax too fap a den (3:1-32, 12:44-47, 13:13)
5. A qef ale no we na ndolnireel fo cael den (4:1-23)
6. Fat o lalit o cofel fo ngor (5:1-13)
7. Dagoox too topatoox we na ndeefanang (5:14-19)
8. Fapoox too jofnoox no daap ne (6:1-14)
9. Gec'noox no Yaal oxe (6:15-7:4)
10. Jangnit fa Lay fee Roog (8:1-8)
11. Gidim too simat o Yaal oxe kam toofeen ke no ke ta fi'na (8:9-18, 12:27-43)
12. Gadoox tooñ of fo coono of (9:1-10:27)
13. Fat o ci'taa fo xeeñ letu (10:20-39)
14. Ref oxe na eetaa no cael ke, ref oxen a lalgandaa lakas (11:1-36)
15. Dakoox o fi lalgan ne yoonaantin o ga o xas (13:1-30)

Gec'noox no xa toq 9 axe na cangin ake na adax ndefna no safe le Nehemi lateena no taɓ-raɓ took:


- Layi a cangin ale moyoona waag o jalit yaa a fadnaa cael no aa-adax of ?
- A cangin refu ale bugoona o feeñil kam cael of ?

A Cangin fo xa as no a adax kam o ngim onqe

Leson 4: A CANGIN NA ADAX NQOTTEENA NO N'OOOW OLE YEE SU FO NO YEGIL PAAX KE

Yeesu a xoolna a cangin ake layteena no n'ooow ole Nehemi fop .

Xaajri fo lakas we samandaal leng leng na cangin no aa-adax kaa Yeesu a fi'na too i nga a den kam a safe ke no Yegil mbaax ne.



A cangin a paax no ngim Kerceen (a cangin ale na laytaa a Kiristaa) layit a qool qac fop ke na laytaa na adax no ñjoow ole Yeesu kam Filip 2:5-11.

- Yeesu refu Roog Jesus is God
- Yeesu o kiin a refu (kaa jang njer) O NEEWANDAX
- Yeesu refu o Muumucil oxe (A teng um na kurwaa) NANNAN too REF O PAD
- Yeesu refu o Yaal oxe (A qontax fo a ñaay um na asamaan) KATIL NE fo NDULEER ne

1. Yeesu kaa neewandoox too keene a taxa boo Faap fee a yofin .

[HUMILITÉ]

Mbogyo a ngalaat ake ndefna na Kiristaa Yeesu , ne ta layteena yee , Kiristaa feene , andoona yee ke Roog a refna ref a refu , gendandooree fa Roog ne ta fodiina fo ten . Kaa huytoox , a ref nen o pad , a gar a nand fo wiin we . Ye ta feeñna nen o kiin , a neewandooxa a nanan a Roog boo na fa ngon , refee fa ngon nene sax , ndaa fa ngon took a kurwaa . Ten taxu Roog a yodin , ta garit fop took , a cooxin gon laa hupna na kon ake fop , ndax no gon Yeesu fop a ngooknoox , ta ref na asamaan mbaat took lanq ke mbaat duga lanq ke , soo o kiin oo kiin a lay ee Yeesu Kiristaa refu o Yaal oxe , Roog Faap fee a boxotel o ndam no ten . (Filip 2:5-11)

2. Yeesu kaa ñjoowoogu no bug ole Faap um too waad'oogee maa ta refitna kelfa took wiin we.

[OBÉISSANCE + SERVITUDE]

Yaam ke taxna um inoor na asamaan gar , refee yee um fi ke felaxama fel ndaa ndax um fi ke felna oxe lulaxama. (Sanj 6:38)

Kaa koy Yeesu a laya a den ee , “ ñaamel es refu um fi'aa ke oxe lulaxama a bugna , soo fadin calel um.” (Sanj 4:34)

3. Yeesu a lalta yee oxe hupna refu oxe na dagooxaa.

[OBÉISSANCE + SERVITUDE]

A mbadiida Kapernawum . Yaa ta rokna no Mbind naa , Yeesu a laamta daalbe we yee” xar nu ñimatiroogu na fat ale ? Kaa koy , a naaga cel , yaam na fat ale kaa ñimatiroogu a ndeer den , ndax da and oxe hupna . Maaga, Yeesu a moofa , a xoy xabaxay fo dik we too a lay den ee : “Boo a kiin a bugna o ref o aa-adax a wara o ref oxe falakanna fop fo o tiidimle no fop.” (Mark 9:33-37)

4. Yeesu a inooxa me ta moof'ina a ju'ooxaa fo daalbe we too a ref no dagooxaa lakas we.

[OBÉISSANCE + SERVITUDE]

A inooxa a wol sabadoor um, soo a humnoox portir . Cinj kaaga a xafa foofi no baxañ , a ref no boganaa daalbe we a caf. Yaa ta bogna boo a yut, a watna ke ta humnoox'ina , soo a fortitin a caf ake boo da mbiis. (Sanj 13:4-5)

5. Yeesu a xaajra a toq ale fo sañ-sañ fee ten fo we ta jil'ina ndax ta fi'a den aa-adax .

[HABILITER + DÉLÉGUER]

Yaa Yeesu a xoyna daalbe xarḃaxay fo dik waa ten , a cooxa a den katil fo sañ-sañ took cini ke , a coox a den da mbodandaa a cir ake . A lula a den da mbaare'ik fa lay fee no maat ne Roog , too a mbodand we njirna . (Lik 9:1-2)

6. Yeesu kaa jil'u wiin ndax da bis o ga ole ten kam adna fee .

[HABILITER + DÉLÉGUER]

Yeesu a matiida a den a lay ee “Ci'eem sañ-sañ fuu refna na asamaan fo na adna . Ndetyo mbi'ik qeet ke fop daalbe. Mbatiise'yo a den no gon le na Faap fee fo 'Peenqe fo Yiif Tedu le , too njangin a den da ngay ke heblituuma fop.Mexey fa nuun bes fuu refna boo maa adna fe a daykaa.” (Mace 28:18-20)

A cangin ake Yeesu na adax: Lalgan naa aa-adax we xaye a mbaagna o ndeef too Bob Briner & Ray Pritchard a mbindin (Nashville, TN: Broadman & Holman, 1997)

Kene kaa ref lesorj 30 kaa nqotteena no lesorj 75 ke Yeesu nqaajreena kam a safe lene . Niiri a den fop too lalti (**no paas 35**) a cangin ake yaakaaro yee ten waagu moy o supit too a yoon fo refoona ndiiki / me o jaltaa too saq a toq .

1. Layaa ndigil ne [Jiko /ndigil]

Nqiboor ne a ndeer Yeesu fa Sarj o Paabatise xe kaa laltaa yee ndigil ne ke adooxna too a hup o njiriji ne ke o kiin oxe luleena too a saq yegnit too o njiriji onqeene kaa maadkaa o feeñlaa ndigil ne a sobangaa sax ee wiin we mbexee ndigil ne. [Paas 6]

2. A cil a yoonu fo njambaar [we na njalandooraa]

Boo yegoona yee kaa o xoyel ndax o ref o aa-adax, too a sob o ga o kiin oxaa felna a nuun too nu mbug o njal fo ten, wariro o ref oxaa gooyina. Fat o reefan lalgan ne Yeesu too fat o lalyin ta gar a sobiidong . Wiin we kaa soxla'aa o nqooyel ndax da nga ee a njega o njiriji . A sobangaa sax ee kaa lay ha'aa, a mbaaga lay ii – a mbaaga o nqoloox a nqoox den fa wo itam yaam ne simanoona o ten. [Paas 20]

3. Katil ne refna no Xurood o kiin oxe [we na njalandooraa]

Aa-adax ndii-ndigil we kaa tipooxaa ndax da nqur den fa qoox den wiin waa soxla'eena ndax fop a jof mbaamir too a ñaayit ne waritna . Jegree o xoy olaa jegitna doole nen pexey naa o kiin oxe a fi'oodna ndax ta xur o kiin o lakas. Yeesu kaa lay'u wiin we ndax da ndeefanin, ten taxu nuun o mat oo nu mbar o mbi nen o ten . [Paas 20]

4. O njiriji onqe refna na Adax fo na Dox calel

O aa-adax kaa andaa nguutatir ne jegna ndeer a adax fo a dfox , too dik ke fop a njeg o njiriji na kid um. Kaa ref oxaa fapooxna ndax ta bisiid xa tontax no soxla ke , a ref oxaa jegna o ga no ken a xewaa too a tontooxtaa njambaar yaam ne Yiif Tedu le a doxan. [Paas 42]

5. Naangee o deetaa ke yulna a ngid [we na njalandooraa]

Yee ta jilaa a Mace, ref'ina o taarabdinax juuti oxaa o ñjoow um a moseerna, Yeesu yoon'ee fo a qalaat ake no wiin we , kaa deetoogu ke jolna key ulna a ngid a Mace fee fop a deetoogna nen o kiin o paaxeer ndax ta coox a in a cangin a cegu o njiriji no aa-adax: o aa-adax o jegu yiif kaa jegaa waxtu kaa ta jiloodna . A jil ale naangee o fi'el no key ulna a ngid ndaa ke refna no xeeñ , a yoonantel a qef. [Paas 48]

6. Katil ne jegna kam Nguutatir ne [we na njalandooraa]


Yee ta jilna a Mace, Yeesu kaa bug'u lalit ee o aa-adax kaa war niw o nguutatir onqe jegna yaa ta fokataa jaajal um – nguutatir nuu waagna o jeg , ta ref no cit, jiko, no waag fo no and. O aa-adax oxaa jegeerna o ga kaa fokatirandaa wiin fogreer waa mbaagna mbog xalaat yaam ne da mbogna o and fo ma da inoorna –mal no jaajal naa moyna o neew doole ee ne njegna nguutatir no xalaat. Kaa i yoo6 o nqalaataa ee nguutatir ne kaa taxaa mal ne a neew doole , too no ndigil , nguutatir ne kaa ref ke jegna. Wiin nandu nen a Mace fo Piyeer (o taarabdinax juuti fo o paafaal) a mbaag'a o ndef no ñjak o nanoor – xalaati oxaa na jalaa no tambandoo fee no maag ole too a war o jal fo oxe na laacaa a bateer ake. Ndaa Yeesu a ga'a tig magnu no wiin weene too sadfar'ee o jil a den dik yaam calel leng kut ke fo mal leng kut ne. [Paas 48-49]

7. A adax ne ta waritna

Fat nu moytoox o yen no deetlax ee yaam a jega kaa moyna too xan fop a ñaac'. A adax a paax too a nand ne ta waritna kaa war o fi'tel boo ta feeñil ee ke faaxna kaa war o sadik too a xuud'. [Paas 56]

8. A ñaaynood' a paax – Supit o jalood'

Ne o piibind oxe ne'eena Tom Peters, we na suptaa ne da njaltaa , kaa njeg tig dik kaa da mbi'taa ne ta waritna: (1) kaa yoqaa no ga'ood' ole fo a ñaac'nood' ale den too (2) kaa maakaa too a suptaa ne da njaltaa . [Paas 56]



9. Ref oxaa bugna a Suptax a jeg

“Nene soom refu ne i mbi’tan” keene refee a pi’ood’ alaa o aa-adax a warna o reefan , aa-adax oxe jegna o ga kaa laamtooxaa “xar taxu” too “ndax i mbaagaan o mbi ta moy’ o faax? Boo ta andna yee kaa war o supit , o aa-adax oxe kaa fi’aa tig qas ke warna no ndak-fo ndak , too keene a war o ref ke moy’na faax ke adooxna meen . O O aa-adax kaa war o war o jegoox fa lay feeke “a juga sañ-sañ o xasan oxe warna o dimle” Fi koy boo waag o sut ke adoo’ina meen fop koy , refee a adax . [Paas 58]

10. Xan a jeg a ñjox [Coono]

O aa-adax o jegu yiif kaa andilooxaa yee kuu xalaat le mbaat a pi ale a faaxna, xan a jegaa kili kaana ñjoxoraa fo o ga ole no aa-adax oxe. O aa-adax waree o yaadoox boo kena yaqaa calel ke ten a betin mbaat ta gooynoorin. [Paas 60]

11. Xan o xasanel mbaat o ñañel too jarkiran [Coono]

Fop koy nqooyaan ndax da ndef aa-adax . Ndaa no ndigil, keene kaa ref pexey mbaax ndax o andiloox o aa-adax . Ndax waagaa o jeg pexey yaa wiin we nqasanang mbaat da ñañang too ndoonkiran sen? Wiin mayu a mbaaga o ndamoox yaa da aseel ndaa we mbaagna o andiloox too a njeg a damoox mbaamir oxe na xasanang too dooniran sen . [Paas 61]

12. Nqifoora ke fo Gimu Lakas we

... jeg nqifoora sadku fo wiin leng-leng waa na ndeefaa o Yaal oxe kaa ref kaa jegna o njiriiñ no aa-adax o paax oxe a very.

[Paas 64]

13. Layaa fo a nqaaj a magnu no wiin [layi fo we o jaltaa]

O aa-adax kaa jegaa o woob yaa ta bugna o lay fo wiin mayu we . O aa-adax oxe paax oxe kaa waadfaa maa ta maakitna no ke ta waagna o fi’ood n jeg o yeg too waag o yaal wiin mayu we mbaat we mayeerna . A juga waa njegna cit no tig nqupu no lakas ke , o kiin oxe a waaga o maak no fop no ke ta xoyeerna . Boo bugoona o ref o aa-adax (mbaat o aa-adax oxaa moyna o faax) deetaxini too liib me huptoona doole fo me neewoona doole fop too tipoox ndax o maak too jof mbaamir. [Paas 65]

14. Moytoox too fañ o xeeff dara

Bes , xaariit Michelangelo a laamtaan ke taxna ta miñ o jalaa no kaa jofna no Sistine Chapel refna Rom, too ke ta ga’ina kaa refu kaa jaxasooxna boo o leng waag’inran o geek no yiif um sax . Cinj kaaga, xariit fee ten a layaa ee : “an na moykaa o and ndax a mota ndii xa’aa ? O caajal oxe a doona ee “ mi na waagkan”. [Paas 67]

15. O xoy ole na adax [me Roog a xoyoonga]

Ñak o ref o aa-adax refee kaa faaxadarna , boo i njegna o woob ndax i dfoxit o njof fo a pesoorof alaa laltina ee i nanana o bug ole Roog . Boo i nga’oodaa pexey ke na pexey a qef ndax i mbaag o dfoxit ne Roog a bugitna, too nanan a Roog, xan i njeg o ndam ta ref kaa i ndef aa-adax mbaat reereef . O njakad onqe oxe jegaa yaa i mbagneerna o sas ole i ndaawna nen aa-adax too i nqooyel ndax i motandin , mbaat yaa i mbaadfaa mbaat i laamit o ndef aa-adax too i deetlooxee kam a qef o waag in fo ci’it in ndax i mbaag o ndef aa-adax . Boo leng no keene a xewna, kaa njegaa na domna a den, calir kaa ndefatna kasaara, too o woob ole ndax o kiin oxe a maak a ñakel . Ndax nu yuta o ndabid njigan seeru ne o aa-adax oxe a warna o rabid ? Deetaxini a xoox of --deeti boo and ndax nu mbaaga mbaat nu mbuga o ndef o aa-adax . Xedi a Roog ndax ta dfoxong. [Paas 81]

16. NDEF LENG [we na njalandooraa]

Ndef leng ne koy yoobee o jegaa. Kaa ref kaa warna o waadel too a jangnitel. Kam no ke ñjoowooma na basketball , a dfox ale moyna o bisiidaa ndef leng kaa inooraa no we na mbi’aa mbodtoor ne ee no oxe adooxanna a den; oxe refna o aa-adax oxe o eetaand oxe refee oxa na bisiidaa ndef leng ne a ndeer no mbokatax ne no wiin weene. No saax o lakas ole , ndef leng kaa ref kaa woobeena o yaq , too oxuu refna a waagaan o fi. O aa-adax o jegu yiif kaa fi’aa fop ke ta waagna ndax ta maxandoor fo we na bisiidaa ndef leng ne yee da mbi’aa fop ndax da sut ke na ñjoxoraa fo ndef leng ne kam mbokatax ne . Yee Yeesu a layna ee mbind naa inooxanna a xoox um waagkee o miñ . Kaa cooxtaa ndigil ne warna o ñjoowel kam no kuu o kiin oxe a feexeyaa o geenin. Ndef leng koy, kaa jeg o njiriiñ. Bar o sadar o sut fop ken a bisiidaa nqaajoor kam o jaland of—Kaa ref ke waroona o fi , wo fee refna o aa-adax. [Paas 86]

17. Refee yee wiin fop na niwaa aa-adax faax we

Winston Churchill a waaga o layel xec'a ee o ten refu o aa-adax oxe moyna o magin no cuni dik axe mbaafna . Ne ta doxtoogna fo njambaar wiin no saate faa Angleterre kam waxtu fee na ŋoq a maak a dak ake nduq'ina adna fee fop . Neene koy, na jil a eetan ale no aa-adax oxe ndax da maaf Nazi we, o ten refu oxe sut'eena me wiin a njiltoogna! Keene kaa ref sambandaal no kea a-adax we a yooḡna o nqettaa. O ga ole na adna fee naangee o yoona fo aa-adax maak we. [Paas 88]

18. O Ga [o ga ole xaajreena]

Aa-adax faaxu we kaa njega o ga , we moyna a nqaajraa fo lakas we o ga den; aa-adax me moyna o mbaax koy, kaa nquraa lakas we ndax da nqayin o ga oleene. No keene koy, aa-adax we moyna mbaax kaa njegaa nqibofo fo wiin mayu no waa na njalaa fa den, keene na laltaa ke taxna ta jeg waa mboogna yee a anda aa-adax maak kam adna fee a sobangaa sax ee mosee o nqet fa den. Xaajraa o ga ole kaa fokataa aa-adax we fo we da adooxanaa too jeggee lakas kaa waagna o fi nandu neene . [Paas 91]

19. Ax Paax kaa ndimaa xa Tim xa paax no waxtu um

Aa-adax we njegeerna o ga yaa wiin we a yoonera fa den, da yenna, mbaat daap naa fadnooxerna no waxtu um, , mbaagkee o miŋ no calel no aa-adax den. Aa-adax we mbugna o jeg fop, na waxtu fuu refna naangee miŋjaa mbaat njegkee o ndam o magnu no ke da ndoxneena . Aa-adax we kaa mbar o ngim ee kaa da nduufaa ax paax , xan a jeg kaa samna no laq paax ke. Leng ke a njeg xa tim xa paax. A refangaa sax ee wiin we nga'ee paax ke ndiiki mbaat sax no ŋjoow o ŋjis den. Yeesu a jangna a in ee ax paax na rimaa xa tim xa paax . Nak o njeg ke i mbugna koy waagee o tax i nqayloox , ndaa kaa i mbar o ndoon yaakaar in na Roog ndax ta bisiid a saxad ale na waxtu faa ta bugna fo ne ta bugtuuna. [Paas 93]

20. Yoq kam calel ke [o ga ole]

A faaxa ndax i laytaa "ke faax" kam jeetaay in fo we i adooxanna. Nene boog jeg yaakaar too waajan coono ke kaa ref kaa jegna o njiriiŋ, lal wiin we o rim ole refna no waag o yoq kam daap ne Roog, too ref o kore'u kam calel Roog. [Paas 98]

21. Yeeyetax faax no ke i [o xoy /o ga]

Yeesu a dakoox'a o jangin refee ee ke i njegna refu ke hupna o njiriiŋ, ndaa ke i mbi'aa fo o jeg in. Aa-adax we kaa mbar o ndimle we da adooxanaa ndax da andiloox a cangin aleene too a sas a den . [Paas 104]

22. Gore

I mbaaga o ŋjak o and ne daap ne Roog a ŋaactaa, ndaa i mbaaga o and ee kaa gore. I mbaaga o and ee boo i doxitna fo ngor, xan a daawin a in su'nit ne no calel no aa-adax in. I mbaagee o "njegaa o ndam" bes fuu refna ne adna fee a ga'taa o ndam onqe, ndaa ne i nduufaa ax paax, xan i saxad xa tim xa paax. Aa-adax we kaa nqooyel no ngor nqupu ee nan dam. [Paas106]

23. Xet fo wiin

Yee Tom Peters a bindna kaa jofna no "a dox ale yaa o widaa," a pind um kaa ngeynoos no ga oleene. Aa-adax we kaa mbar o and ke nduufaa no wiin we da adooxanna. Aa-adax we njegna o ndam , xottitna no wiin maak we na adooxana no football boo na kag a maak ake, a andiloox keene too a andiloox o njiriiŋ onqe ta jegna no kiin oxe moyna "neew" no we ta andna. [Paas 108]

24. Roog kaa jiriiŋooraa ke moyna o neew

A biibal kaa felakinoosaa no tig neewu ke. O njaac' onqe Dawiid a reedfu ndaa ref'ee o kiin o maak oxe Golyat. Gidewon fo we na yooni'ina a refu ndaa ref'ee a yaaj ake no faŋ we. O jeg o neewu le no ŋjaaw oxe laytee ndaa ref'ee tig mayu ke Farisiya we a cooxitna. O tokol foofi buubu le no gon um lalytee ndaa ref'ee tig maak ke fi'eena na kid no fop. Leek-leek a faaxa i njegaa a nqalaat a "neewandooxu". [Paas 109]5

25. Boxotoox

..o aa-adax waagkee, o dimle lakas we yaa ta cooxtooxeerna ten fa xoox um. Ref o aa-adax kaa laamit njigan magnu. [Paas 125]

26. Jeg dāap no ke na garaa

aa-adax Kerceen we kaa njeg o sas ndax da mbaajan oxen a ronandkaa a den fo ne calel ke a mbarna o ŋaayit o feet. A mbugangaa yee kaa mbug o ndef waa topatooxaa too a njalaa ne Roog a bugtuuna kam o sas ole ta cooxna a den , kaa mbar o mbi fo o waag den fop ndax mbaajan oxaa da njagnikaa a paax , too ta and calel ke , Piyeer, Saak, fa Saŋ too o ndang-o ndang fo o jof, da yoqanan yaa ta refeerna meen. [Paas 127-128]

27. Nu mbaagee o mbel wiin we fop

A adax kaa sutaa ke moyna faax mbaat ke moyna faaxadar no wiin we. Aa-adax we njegna yiif a anda keene a paax , too a njabin nen kaa fogna no calel den, too a mbi'aa fo o waag den fop ndax da ngeek ke faaxna too ke faaxeerna da mbeecin. Fat o andiloox a paax ee ke fi'aa xan a deetlooxel no kuu ta waagna o ref , a sobangaa sax ee kaa o fi'tan ne ta waritna, fi'anaa paax ke hupna no wiin we , xan a jeg waa yoonkeena fo o ga of mbaat calel of.” Ndaa ke moyna dom no keene refu yee we yooneerna fo o ga of kaa yoofo ndef me moyoonga o mat mbaat wiin waa eetoona o and. [Paas 132]

28. O njiriiŋ onqe refna no sutoox mbind of

Mi fa xoox es, ga'aam aa-adax mayu waa ŋasitna cit ke da ndaawna yaam ne da mbugeerna o sutoox me da ngenna. Jolna keene, a faaxa o kiin oxe a bug mbind um too a fex a den , a retaa ndax ta widik a den leek-leek ne Yeesu a fi'tooguuna , yaam yaa goddoona mbind of o moyaa waag o fi calel no aa-adax of ne ta waritna. We na mbaŋaa o sutoox me da ngenna koy kaa yoofo o njegaa coono ndax da mbadin calel ke da ngooyteena. Piyeer, Saak, fa Saŋ ndef ee aa-adax yaam ne da yoq'ina Kapernawum no maag olaa Galile , ndaa kaa sutoox'u saate den a ndet Yeerusaleem . “Gari reefaam ” kaa tekis sutoox mbind of too reefin ndax o jangit no ten ke a adax a refna , ndaa koy o kiin oxe a waaga o nomtoox me ta genna a refangaa yee maaga refu me Roog a xooyuuna ndax ta jananin. Yaam mayu na in , sutoox me genoona kaa fog no dāap ne Roog kam calel in nen aa-adax .

29. Fodrand

A juga aa-adax waa na pokooxaa saŋ-saŋ den boo ta hupood too naangee o topatooxaa ke lakas we a layaa fo o ŋoow ole bes fuu refna . Lakas we kaa ndoxnitaa nqupu , boo saŋ-saŋ den feeŋkatee. [Paas 136]

30. O warangaa o fi a cil

No muu ta waagna o ref no jaland olaa—no mbind naa , no ekol diboor fee, na jangu mbaat no calel , fat o jal a paax yaam kaa o dōxaa too war o and me saŋ-saŋ of a deyna too fat o jiriiŋpoorin . Fat o ref oxen a geennaa fop ke faaxeerna. Keene refu ne o aa-adax a andidteel . Oxen a fi'aa a cil too a jab o gadoox fop ke na xewkaa . [Paas 136]

Oxum refu teen a cangin ale moyna o yoon fo a toq ale no calel of ?

A Cangin fo xa as no a adax kam o ngim onqe

Leson 5: O GA OLE ROOG NO TEDEL OLE

Ndax o ref o aa-adax Kerceen oxe helna, koo war o yoon fo o ga ole Roog a jegna no tedel. Ndax o jof mbaamir nen o aa-adax Kerceen koy, soxla'aa o and too ja6 xa toq xa 5 axe na taxaa o andilooxin a paax.

1. Boo fa ndiik, bakaad kaa ref kaa faaxeerna too a war o moytooxel.

1 Tesalonik 5:22

“Paaxeer kuu ndefna , nu ngofan .”

2 Timote 2:22

“Yufi a yuxum ake ndefandoong a bekaa o kiin , waad o cofel fo o ngim , fo jam , wo fo we na ne'aa gon le no Yaal oxe fo xeeñ xoolu .”

Keene kaa laytaa no tedel ! Aa-adax we Roog a waadaa ndefu goor fo rew waa na tedlandaa o qoox den na qalaat, na fa lay fo na pi !

Kaa i mbar o ngoorgoorloox ndax i nand nen a Yoseef kam No Mberaand naa 39. Wetandooxi ke Yoseef a lay'ina yee o tew oxe Potifaar a fogan ! Kaa lay'u yee, “Nam waagum o fi'it paaxeer kene?” Kaa lay'u , “Nam waagum boog o fi'it paaxeer nandu neene , soo tooñ a Roog !”

Yoseef kaa andiloox'u o ga ole Roog no tedel ole too keene a fapin ndax ta xox no mbog ne too a waadaa o ñjoow o tedu...keene sax taxu ta bekel kaso ! Fo kuu waag'uuna o dal, Yoseef kaa waadfoogu o tedel ole .

KE WAREENA O FI

1. Fat nu njeetaayit kaa jofna no tedel fo deetlax . No xar moyo o deetlooxeel? Xar refu ke o fi'aa ndax o xox deetlax ke too ñjoow kam o tedel ole ?
2. Xar taxu i mbaadaa kaa felna a in yaa i laytaa o tedel ole fo o nqoolel ole Roog?
3. Xar taxu i yoo6 o nqalaataa kam deetlax ke, “ no ke na xewaa no ñjoow es, ndax waagaam o xayloox , wañ a koorgoorlax es?”

O ga ole Roog no tedel refu o nqoolel. Kaa i mbar o andiloox a paax xalaat xoolafaru nandu neene, o delem ñagasu oluu refna fo a pi a paaxeer aluu refu kaa moy o godatirandaa in fo o ga ole Roog no tedel ole. Boo i mbakaadna, kaa i njilaa o bisloox a Roog kam no kaa xooladarna. Kaa i mbar o njang ndax i nand fa Yoseef ... ***“Nam waagum boog o fi'it paaxeer nandu neene soo tooñ a Roog ?”***

2. Kaa i soxla o ndef waa ndoxneena , adooxan .

A adax, a waaga o godatirandong fo wiin we too kaa jegaa leek-leek a dfeetlax no ijoowit ne feltoonga nen o aa-adax . Ne aa-adax we a mbeeñtaa kam pokatax ke no Kerceen ke, godatirand o aa-adax fo calel um a waaga tax ta ref oxaa jeg'kateerna a toq a leng na adax neene nu mbara o njil aa-adax waa sadfarna a Roog too a ndey a nqolooxel .

O toq 1: ndolnir fo hasil

O toq 2: mbokatax ne no jangu ne / we na njalanaa o Yaal oxe

Xaaji we na njalaa a qaaj a tadak (goor we a yoon fo goor we too rew a yoon fo rew we) ndax da njang a tipax no xiid o leng a njeg a toq, a adooxan tig kam jangu fee . Fi'i a nqaaj akaa da njeetaayitkaa a ndeer den me da mbugna o ndoonel a ndef aa-adax . Fat nu njeg daap ndax aa-adax we na qaaj a tadak akeene a nqetaa jaf leng no nqool onquu refna no calel den too a njeetaayit oxuu refna na toq ake da ndoxneena . Jegkee dara kaa na wetandooxaa kaa soxla'eena mbaat ta geekel . Kaa ref rek Kerceen , goor fo rew waa njilna ndax da ijoow kam o tedel too a mbug o ndimle'ir too a asir a ndeer den.

O toq 3: qaariit fik ke

Fat oxuu refna o ci o lakas oxe ta waag o laamtin laamit ke moyna qood no ijoow ole. Ndax a jeg'a a pi alaa fi'uuma mbaat um ijakin o fi too ta laltaa o qeesel na tipax es no waag o tedland a Roog fo o ijoow es ? Ndax ga'aa , duq mbaat o niir kaa jofafarna? Nam refu ne um niwtaa o tew es fo xa biy es? Ndax kam maaB kam xa tontax es ?

MBOKATOOX TOO TONTTOOX LAAMIT KE

1. Nam refu ne ga'toona aa-adax waa ijakatna a toq ale biibal le a cooxna a den?
2. Mam refu ne a cootax of na toq ale wo a waru o day kam o ijoow of xaye ?
3. Nam refu ne waagoona maakit kam a toq no aa-adax ne ta waritna kam o ijoow of?
4. Xar refu daap ne na toq no aa-adax of?

3. Kaa i mbar o njeg o ijoow olaa jegeerna luq luq fa leng .

Teknology fee kaa waajan a in ndax i njeg ke i dasnaa . Kaa i simel o aar a qoox in , yaa i mbegaa xa telefon axe in mbaat masiin ke i njaltaa fo no kuu refna no o ijoow . Yee o jaafu a soxla'eena ndax o leng waagkee o jiriiñoor o jeg of , kaa i ndef no sakaa luq luq faa jegeerna o njiriiñ kam cosaan in. Bugaam teknology fo paax ke ta yoonitna , ndaa fop ke ta bisiidna refna waag o dasin tig too keene kaa moy o maakaa no calir qas kuu da bisiidna .

Refiim o dof boo xalaatkaa ee wiin we kaa mbar o and ke o fi'aa na waxtu fuu refna , ndaa a wara jeg oxaa waagoona o lay na pet ke o ijoowaa . O tew of mbaat o kor of, riirim of, xa biy of , xaariit faa xolooxoona. Maa jegeerna kaa dasneena kam o ijoow of.

Kaam goorgoorlooxaa ndax o ijoow es jegkee luq luq fa leng. Refee yee wiin we fop mbaru and o ijoow es ndaa a wara jeg oxaa xolooxuuma boo waagin o lay o ijoow es, me heestuuma, o neew doole es fo kaañax es. Kuu moyuuma o ijakaa ke dasnuuma , o ijoow es a moyaa o yooB.

KE WAREENA O FI

1. Mam fo no xar o jegu a dfeetlax ndax o waag o geek kunpa fee daawoona ? Xar taxu?
2. Ndax a juga tig kam o ijoow of kaa waroona o geek nen kunpa ? Xar taxu?
3. Xar refu nguutatir ne jegna a ndeer dasin kunpa fo geet sutura ?

4. Kaa i mbar o and ee Roog kaa mbug o jiriiñoor ðaxanj ngoolu .

A Kim a Tedu ke 66:18

“Boo jeg’uuma no xeeñ es njofafar, o Yaal oxe nangilooxkoogiraam .”

Dawid a and’a ee a yuxum ake ten no njaalo kaa taxaa boo a qef ake ten mbaagee mbad boo maa Roog. Roog koy, waag’ee o nangiloox a dawid yaam ne o ñoow um a mayna fo kunpa qooladaru mayu .Ke Dawid a ðasnoogna kaa dikoogun boo waag’ee o xed’ too a ðoxit xeet fee ne ta waritna .

Kam Yosuwe 7,xeet fee Isra’el a ñoowaa tig ðomu leng kut ke. Mbetandooxyo, a njeg’a o ndam o magnu kam Yeriko fo kam Ay da ñakit’ina a ñox ale. Xar taxu? Xar ref’u nguutatir ne njegna mene ?

Xeet fee nannan’ee a Roog ne ta waritna , too keene taxu Roog a suqit o ndam onqe na xa ðay den. Roog kaa lay’u a den ee baa da nqot dara no we da ñoxortaa too o koor o leng o ne’ee Akaan , a fañ’a o nangiloox ke Roog a heblitna .

Neene, kam Yosuwe 7 xeet fee a fokatoora na carind a mayu too Roog a xooyaa a carind ale Yudaa. Cinj kaaga, a carind ale Yudaa a fi’a a qaw a mayu , naaga Roog a jila a qaw ale Serax . A qaw ale Serax a xaajooxa no basil mayu too Roog a xoya basil ne Simri. Cinj kaaga, basil ne Simri a lalta wiin we mbogna no ten too Roog a jila a Akaan nen o leng kut oxe fañna nannan a Roog , too Roog a xawa basil ne ten.

Xar tax’u Roog a fi keene? Kaa bug’u o andnoor xeet fa nqas feene tig leng . Kaa mbar’u o nannan a Roog no kuta waagna waag o ref. Roog mose o ñak o xaw o kiin o leng, basil leng mbaat a qaw a leng yaa ta nannafarna . Roog ci’koogee a den o ndam yaa nannanfar fo qoolafaru a ñooweel kal xeet fee.

Ne xeet fee Isra’el fo Dawid a njagtuuna , in itam kaa i mbar o and ee a **adax kaa yoonaa fo o tedel**. Roog kaa bug o jiriiñoor ðaxanj ngoolu too a woora ee jiriiñoorkee wiin waa mbañna nannan o ñuxur ole Roog .

Ne i maakaa nen aa-adax Kerceen waa na nangilooxeel , kebil ke no tedel ole kaa mbar o ñoowel , xottit no xe moyna o neew boo no xe hupna . Baa nu mboog ee ne nu maakaa kam a adax ale, kebil ke no tedel fo nannan a Roog kaa mbudoox a nuun.

Kaa i mbar o nqox ðeetlax ke , ye i nqalaataa yee kebil ke Roog no tedel ole kaa yelefandel na in .

5. Kaa i mbar o and ee Roog a anda ee o kiin o leng motee.

O nannangaa nen a mi, ndiiki, koo war o andiloox ee bakaadaa , too itam xooladar yee o xalaataa com ke wo kam o ngim onqe fo nen o aa-adax . Keene taxu um gidmaa a Roog no toq o betkandeer oleene, refna ref, Roog a anda ee o kiin o leng motee too neene a ci'ta no fud o letu o woob o weejil pakaad of fogna no d'aap ne ten ndax ta dalnatin fop ke yaqoona fo a baasan ale no pakaad ke.

1 Sarj 1:9

"I mbeejlangaa pakaad in , Roog a gore'a , too a jofa boo a waasanaa a in pakaad in , a xoolandaa ain no njofafar nuu refna."

Roog koy waasee a in ndax i yoq kam njofafar in fo pakaad in. A anda yee i motee too kaa i yennaa no bakaad . A cooxta d'aap ne ndax o kiin oxe a jofandel . Keene na xooyeel weejil pakaad of. Weejil pakaad of kaa tekil o jab ke Roog a layna ee kaa i mbakaad , too keene yoonee too jagooree fo o nand ole Roog .

I soxla'ee o sutoox too ngaw a qoox in. I mbare o sufoox domu yaam pakaad in, mbaat i sufoox a pind akaa na laltaa yee kaa i yen no bakaad. Kaa i mbar o njab soom ke Roog a layna, ee kaa i njafafar(bakaad). Cinj kaaga, yaa I mbesna fop a cinj too njeg o ga o xas, kaa i mbaagaa o rjoow kam o qoolel ole fo o tedel ole na felkaa a Faap in fee refna na asamaan.

Roog a anda ee xan i yen no bakaad, neene , kaa xuraa a in kam pexey mosu neene na tedlandaa too a xooyeel weejil pakaad of. Boo i mbeejlaa pakaad in , keene kaa ci'aa a in doole na posax in no waad' too rjoow kam o tedel. Nak o weejil pakaad of mbaat gij o weejil pakaad kaa yaqaa nqiboora in fa Roog . Roog kaa bug i layaa fo ten bes fuu refna.

CALEL MUUKIR

Fat o lim tig 5 kaa waroona andiloox no ga ole Roog no tedel ole.

1. _____
2. _____
3. _____
4. _____
5. _____

Andilooxi a cangin ale soxla'oono o rjoow too and pexey ne waroona o fi ndax o maak no keene ?

A Cangin fo xa as no a adax kam o ngim onqe

Leson 6: O GA OLE ROOG NO XE YODEENA KAM CALEL UM

A jeg'angaa a qaaj na adax too ta nguutatirit nen o yeng ole fo ñjaal ne , kaaga xan a ref ne Roog a ga'taa oxe na maakaa no calel um fogreerna fo o ga ole no wiin we . Adna fee kaa layaa ee *"fat o maafrel too diroox fo o waag of fop ndax o jof mbaamir"* ndaa Roog kaa lay ee *"O bugangaa ref oxe adooxna kam maat es, fat o jab o ref oxe falakna "*! Xan o maak kam maat ne Roog yaa jaboona o falakan fop!

"Mayu no we adooxna ndiiki xan a ndef we mbalakna, too mayu no we mbalakna ndiiki xan a ndef we adooxna." (Mace19:30)

"Neene, we mbalakna ndiiki a ndefitkaa we adooxna , soo we adooxna ndiiki a ndefat we mbalakna ." (Mace 20:16)

Boo i laytaa no kaa jofna na adax, xa perj axene a mboga no we moyna o d'om o nanel. Wo fee refna o aa-adax koo war o dagooxaa. Xan o jof mbaamir yaa jaboona ref oxe falakna . Soxla'iro o fi pexey xoox of nday o ref oxe adooxna . Soxla'iro itam o maaɓaa mbaat o guudɗaa ndax o ref oxe adooxna. Warri o sadarnoox. Refiro o yaal took no lakas we . Refee yee yaa o mafa too xeeɗaa lakas we o jofkaa mbaamir .

Kaa o dagooxaa . Kaa o war o eet o xalaataa lakas we. No kuu ta waagna o ref.

Warri o fesoora fo lakas we no kaa wooreeroonga . Fat o niw wiin we fop .

Kaa o war o moy o niw lakas we qupu a xoox of . Kaa o xaajreel ke jechoona. Kaa o ci'taa. Kaa o sadaxtaa. Kaa o cooxtaa no fud o letu ke war'oono o daaw ndax o lakas oxe a niwel.

Fat o wetandoox kam Lik 9:46-48 ye daalbe we a ñimatiroogna a ndeer den ndax da and oxe hupna kam maat ne Roog ? Yeesu a and'a a qalaat den too a geenna o ndebandoong a mbaamir den too a jangin a den oxu dalnina o ndebandoog , Yeesu fa xoox um a dalnu. Cinj kaaga Yeesu a laya yee, " Oxe moyna o neew a ndeer nuun , oxeene refu oxe moyna o magin ."

KE NA FI'KEEL

1. Nam refu ne wiin adna we a njagnitaa a in ndax i ndef aa-adax ?
2. Xar taxu a cangin ale Yeesu no oxe bugna o ref o aa- adax a d'om a jabel ?
3. No xar jecho a feetlax maa o ric'ataa lakas we no me o xettaa fo fog of Kerceen ?

Roog koy, soxla'ee o kiin o leng oxaa jegna ci'it ke moyna o magin . Roog kaa waadɗaa o kiin oxee jegna xeeñ xoolu. Kam o ga ole Roog, oxe jegna xeeñ le Roog a bugna refu oxe jabna falakand fop

CALEL KE OXUU REFNA A WARNA O FI'OOD

1. Limi no ke jechoona a d'eetlax ndax o ref oxe adooxna kam mbind of , basil of , ndolnir of, jangu of fo kam saate of.
2. Andilooxi a betandax kam Biibal fee akaa na ndimle'kang yaa jechoona d'eetlax o bug o ref oxe adooxna .

Kaa i soxla o njang ne i mbaagna o topatooxit calel ke moyna o neew yaam o ndam onqe Roog soom. Boo feroona jangaa ne waagoona o adnit lakas we, neene , xan Roog a fi calel um, refna ta cooxong calel kaa qupna o njiriiñ.

Fat o jeg o bug ndax o jalan a Roog muu waagoona o ref too ge'noox na Roog ndax ta bisong me ta bugna o maakit .

CALEL KE NA MUUKITKEEL

1. Xar refu ciko ke no oxe na adooxanaa lakas we?
2. Xar refu ciko ke no oxe bugna o dagoox ?
3. Nam waago o andit aa-adax waa na ndagooxaa kam mbokatax Kerseen nuun ?
4. Limi a neew-neew ciko tadik no aa-adax oxaa na dagooxaa kaa bugoona o jeg kam o ñoow of ?

A Cangin fo xa as no a adax kam o ngim onqe

Leson 7: O GA OLE ROOG NO CIT KE NO YIIF TEDU LE

Leson nene koy, laytee no cit ke no Yiif Tedu le fop layteena kam Biibal fee, ndaa o ga o xoolu no OXE na cooxtaa cit keene . Ke taxna keene a jeg o njiriiŋ no aa-adax we no jangu fee refu yee gimu mayu kaa mbaadfaa na waxtu fuu refna cit kaa da ndaaweerna. Na pesoorof den a cegee njiriiŋ aleene koy, andeeyo ee kaa mbenaa oxe na cooxtaa cit keene.

Kaa nu nga'aa Roog a cooxaa oxuu feluuna cit ke !Refee woo, ndaa Roog . Soxla'iro o dirooxaa ci'it naa waagkeeroona o daaw boo muk.Ndaa fat o and ee , kaa o ref oxaa Roog sakna too a ci'ong pexey fo o waag ndax o fadin calel com'antu ke no maat ne ten na pexey cit ke Roog a jagandanoonga.

“Keene fop koy, yiif leng kut le Roog na fi'an , oxuu refna ta danqin ci'it um ne ta bugtuuna .”

1 Korint 12: 11

“Kaa Roog a doon tig oo tig no cer ke maa feluuna .” 1 Korint 12:18

“O ten cooxu wiin we ci'it pogreer . Kaa ci leng we , da ndef apootar , wene, ta ci a den , da njo'tanan , waana, waawaare Yegil mbaax ne mbaat gaynaak no gimu we mbaat jaajangin” Efes 4:11

A tekit ale : *Cit ke no Yiif Tedu le kaa ndef fop ke Yiif Tedu le a waagnooraa o kimu xuu refna na pexey o bug ole fo yirmande fee Roog ndax ta ref o njiriiŋ no fog ole no gimu we .*

Cit ke no Yiif Tedu le kaa ndef katil kaa inoorna na Roog ...

Kaa ndef nen dūum mbaat ci'it pogreer kaa inoorna na Roog too a ndimle'aa a in ndax i mbadin calel ke Roog a xoytina a in. Ndefee nen o waag ole o kiin oxe a rimteel , ndaa o waag o inooru na Roog na dimle'aa a in ndax i mbadin calel ke Roog .

Yiif Tedu le na cooxtaa a den ...

Katil keene inoorna na Roog , kaa gimu we a ndaawaa a den na pexey Yiif Tedu le , yee i ndefatna waa mbogna no njer ne Kiristaa . Yiif Tedu le deyee no cooxtaa ci'it ke soom ndaa o ten na dimle'aa a in ndax i njiriiŋoor a den ne ta waritna .

Na pexey o bug ole fo yirmande fee Roog ...

Jegee Kerceen faa daaweerna no ci'it ke no Yiif Tedu le. O kimu xuu refna a juga ci'it , a refangaa leng sax oo. Cit ke kaa mbapaa gimu we ndax da mbadin d'aap ne Roog yaa ta fadnaa o bug ole ten kam xa ŋoow den.

Yaam o njiriiŋ onqe no fog ole no gimu we , ndefna cer ke Kiristaa ...

Ci'it ke no Yiif Tedu le daawoona, ndefee yaam wo soom , ndaa koo daawnel a nden ndax da njiriiŋ lakas we. Ci'it keene daawtoona na Roog kaa ndimle'ang ndax o geenoox lakas we no coxla den fo jangu ne fop. Oxuu refna na in a waaga a jalan a Roog kam maat ne ten. Ci'it ke in kaa taxaa i moy o ndimle'raa a ndeer in. Kaa taxaa i boxot a Roog o ndam too safakin lakas we.

Roog fa xoox um na jilaa ci'it ne o daawkaa na waxtu fee jaboona a Yeesu Kiristaa nen o Muumucil of. O saasak oxe na adna fee , oxe sakna o ŋoow ole fo oxe na dimle'aa a nuun ŋaal nuu refna , geekanoong ci'it ndax o maaknin too jiriiŋoorin kam calel ke no maat ne ten.

Roog fa leng soom fee sakoonga, o jigid mbaat o raɓ,a sak wil le no xoox of, a and a pe ake no ŋoow of fop , a cooxong itam ci'it kaa ta geekanoonga ndax ta fi'ong o kiin o motu too a saq xa tim kam calel ke no maat ne Roog.

A caf a mayu kaa i nga'aa Kerceen kaa mbugna o njeg cit kaa da ndaawteerna na Roog too keene kaa fuuxnooraa a den kili yaam Roog kaa fi a den da ndef waa na yegnita yegil mbaax ne too da mbug o ndef jaajangin. Mbaat Roog a ci a den da ndef doodox ndaa ta mbug o ndef waa na mbaare'aa .

Ne da mbexeyaa o njeg cit na Roog a daawneerna a den, gimu we naangee o mbaagaa o njiriiŋoor too a maakin ci'it ke da ndaawitna na Roog sax-sax. Kam pexey den no ref kaa Roog a fi'eerna a den, kaaga kaa taxaa da sutoox daap ne Roog a jegna no ŋoow den ndax da ngen no daay too a mot kam calel ke Roog.

O njiriiŋ onqe no andiloox ci'it ke daawtoona no Yiif Tedu le .

Ke o kiin oxe a jegoodna

- A cinj ye andoona ci'it of kaa o andaa ne waroona o jalanit o Yaal oxe.
- A cinj ye andoona ci'it of , kaa taxaa o moy o and no ke waroona o bakand calel of.
- Xan o moy o saq xa tim too may fo Yiif Tedu le. (Saj 15:8, 11)

Jangu

- Ndef leng ne fo mbexir ne kaa moyaa o feeŋ yaa jangu fee a maakna cit ke kam calel ke ten.
- Jegatee o nga'atinax kam jangu fee yaa wiin we a njiriiŋooraa cit den.
- Wiin we kaa maakaa kam jangu ke.

Maat

- Kaa Roog a boxotteel o ndam too mbokatax ne a safakinel

MBOKATOOR TO NJALANOOR

1. Xar nu mboogu yee kaaga Roog a yegaa yaa i mbaadaa ci'it lakas na jolna ne ta ci'na a in ?
2. Ndax nu mbooga yee Saytaane a waaga o jeg saŋ-saŋ yaa ta fexeyaa o riŋ a in no waad ci'it na Roog a “geekaneerna a in”?
3. Ndax nu ndeylooxa no ci'it ne nu ndaawitna no Yaal oxe ?

Kene kaa ref tigil dik kaa mbareena o ngeek no yiif ye nu andna cit ne no Yiif Tedu le nu ndaawna .

1. *Cit ke fop a njega o njiriiñ*

Jegee ci'it naa jegeerna o njiriiñ. Keene kaa nanditkoogu ee Roog kaa sak o kiin oxaa hupna o njiriiñ na kid um ee o kiin o lakas. Wiin we na adna fee fop mbodu o njiriiñ mbaamir Roog . O kiin o leng moyee o neew too ci'it leng hupee lakas ke .

Xan nu nga o njiriiñ onqe nuun fo ke nu mbarna o ndaaw yaa nu andna too maakin ci'it ne nu ndaawitna na Roog . Fañ o andiloox ci'it ne Roog too waadaa ci'it naa ta moseeroonga o coox kaa ref faambir fa Roog too layin ee andaa ke soxla'oona too ta moy o faax ke ta fi'na na wo.

2. *Cit ke fop kaa ndef kaa njeg o njiriiñ too a soxla'el*

Jangu fuu refna a soxla'a a o jeg ci'it ke no Yiif Tedu le fop ndax ta ñaayit ne Roog a bugtuuna too jangu feene a nand ne Roog a bugtuuna . Boo i mbaadaa ci'it naa Roog a cooxeerna a in, kaa i yaqanaa mbokatax ne no gimu we in a ñaayit ne ta waritna. Kaa i adnaa a yaaw ake in took no we mbidna a in , too kaa i nguudaa ke Roog a yuubanna too a buganin mbokatax ne in.

Bindi kene: Ndax o moy o jang no kaa jofna no ci'it ke no Yiif Tedu le, ðeeti na Rom 12, 1 Korint 12, Efes 4:7-16, fo 1 Piyeer 4:7-11.

Kene kaa ref tigil kaa mbofeena na laytaa o ga ole Roog no cit ke no Yiif Tedu le too a suttel no xa saar axeene.

- Cit ke no Yiif Tedu le kaa ndef o njiriiñ no jangu ne fop.
- Cit ke no Yiif Tedu le kaa maaknaa jangu ne.
- Cit ke no Yiif Tedu le kaa ndef ndax i ndimle'raa a ndeer in.
- Cit ke no Yiif Tedu le kaa Roog a coox a den o kimu xuu refna ndax ta fadin calel ke ta cooxna o kiin-oo kiin.
- Cit ke no Yiif Tedu le kaa ndaaweel na waxtu fee o kiin oxe a jegna a muc ale .
- Cit ke no Yiif Tedu le mbogree fo xa tim axe no Yiif Tedu le, o waag ole fo ci'it ke o kiin oxe a sakteena .
- Cit ke no Yiif Tedu le yanqanee a in i ndef waa mbarna o nannan kebil ke Roog kaa jolna ci'it ke i ndaawna. Oxe fogna no cer ke Kiristaa kaa war o jalaa no tig mayu no kaa ta jegna ci'it , ta ref kaa i njegood ci'it neene mbaat i njegiran. No samandaal , gimu we fop kaa mbar o lalit o ngim , o jeg yiif, o safkel , yirmande, a ci'taa fo xeeñ letu, gore no calel ke no Yaal oxe, a ref o seede, jangnitaa ke Yeesu a heblitna , ref o qeexed , etc.
- Cit ke no Yiif Tedu le njegee o njiriiñ boo ta yoonteerna fo o mbeq.
- Fat o moytoox , yaa ci'it leng a fi'eena nen kaana feeñlaa o kiin o mucu mbaat barke fee Roog .
- Fat o moytoox yaa ke na layeel kam mbokatax ne fop a xaanna no cit ke no Yiif Tedu le fo ne da laltinooxtaa too oxe na cooxtaa a den fo calel ke ten ne'ekaan.
- Fat o moytoox o libaa cit ke daawoona fo ke no lakas we.
- Fat o moytoox o jiriiñooraa cit ke no Yiif Tedu le fo o bug ole no cer ke ndax o fadin a yaaw of mbaat o magnandooxaa mbaamir no lakas we.
- Fat o moytooxi o jaxas cit ke no Yiif Tedu le fo xa tim axe no Yiif Tedu le fo itam ke na laltaa maak no ngim onqe.

A Cangin fo xa as no a adax kam o ngim onqe

Leson 8: O GA OLE ROOG NO JAAJANGIN WE FO CALEL DEN

Aa-adax mayu no ngim onqe kaa mboog ee calel ke no Yaal oxe kaa ndef kaa yooɓna .Ndaa kaaga refree ndigil.Calel ke no Yaal oxe kaa ref wultoox , calel domu kaa ndefna bes fuu refna fo no waxtu fuu refna kam o ŋoow ole no xe na fi'an. Calel keene, o kiin o yaafuus waagiran ,too refree itam yaam o kiin oxaa bugna ŋoowit ne feltuuna. No ndigil, a Pind a Tedu ke kaa maad'ooxaa wiin we no ref o caajangin mbaat o aa-adax no ngim onqe yaam ne ta refna tig domu too a doon teen a jeg o njiriiŋ lool.

“Fog we, baa mayu na nuun a ndirooxaa o njangnik fa lay fee Roog , yaam nu anda yee paam Roog, in we na njangnaa na moykaa o fomid' wiin lakas we hate.” (Saak 3:1)

Saak kaa maad'ooxaa a in ee , we ndefna jaajangin , a ndef aa-adax no ngim onqe na moykaa o fomid' hate. Boo jechoona a toq no adooxan o kiin o lakas, no ke moyna o may, aa-adax no ngim onqe, koo ref oxaa jegatna saŋ-saŋ fee hupna fop. Keene kaa ref calel ke Roog too Roog kaa doon a kid um took no we na njangnaa too a mbapaa lakas we no ke jofna no maat ne Roog.

O saar ole Saak 3 kaa laytaa kaa jofna no delem too Saak a jiriiŋooraa samandaal tadik ndax ta lalit ne delem le no xe na jangnaa a waagitna o jeg doole fo ke ta waagna o fi.

1. A Laxaaɓ: A laxaaɓ a teɓ kam o don pis a waagaan o geenin , kuu ta mayna-may doole fop oo
2. O Fedir: O fedir o dutuuŋ ole refna a cinj a kaal ale a waaga o d'ox a kaal ale muu feluuna.
3. O Meldaan: O meldaan a waaga o dox a koɓ a muum.

Ke i laytaa refu delem neewu le jegna doole lool , a waaga o fi tig paax ,too a waaga a yaq mbaat ta gaaŋ itam.

“ Weene wiin koy, mbaagee o ndam delem den . Delem tig paaxeer kaa o leng a waageerna o dam oo. Kaa may muut fo dajjat . Kaa i niwaa o Yaal oxe Faap in fo delem in , ndaa kaa i layanaa wiin lakas we paaxeer fo delem leng kut le itam . Yaag oo toox de , Roog saku a den no nand um . Fog es, waree o ref naaga . O don o leng kut ole i niwtaa a Roog, soo laytan paaxeer lakas we.” (Saak 3:8-10)

Aa-adax we no ngim onqe a mbar'a o and saŋ-saŋ fa magnu fee da njegna took wiin lakas we.Kaa mbar o ngaynaak delem neewu leene ndax refree nen pis naa deegna mbaat o fidel olaa na raɓaa a koɓ a muum.

Na cang a kodu ke, kaa i mbelakinooxoogu yaa i njeg'ina o xet o maak fo jangu fee in, too o caajangin o maak o siiwu a gar a jangnaa a in na pe a leng-leng. Kaa fi'oogu calel cegu o njiriiŋ, ndaa no ŋaal mbalakaan ne,i mbi'a kaa waagna o jalnoor o caajangin oxe ndaa o ten ga'tiran naaga . Kaaga a fuuxnoor'aan lool too a xasana jaajang we tooŋ'uuna. Xaye koy, a cinj xa kiid 50, waagatiim o wetandoox tig leng kut no ke ta waare'oogna ndaa waagaam o wetandoox xa delem axe ta sutoogna fo delem um kam fuux magnu le ten laaga.

Ke guutatirna fo keene, o delem o buubu laa layteena na waxtu fa mbaax kaa ref kaa jegna o njiriiŋ.

“Fa lay fee layeena na waxtu um, kaa nand nen xa yooga wurus axaa mosandteena xaaliis.” (Xa Petit axe 25:11)

KE NA FI'KEEL

1. Fat oxuu refna a layit kaa jofna no kiin oxaa fa lay um a jegna ke ta jalna kam o ŋoow um.
2. Xar taxu da njeg o njiriiŋ no ŋoow nuun ? Xar refu ke da mbi'ina too nu mbaagin o laal?
3. Aniin ndefu wiin 5-10 waa waagoa o layit xa ŋoow kam o nqool o ngene?

Ne i laytuuna boo yut, calel ke no Yaal oxe, refee yaam we a qeeŋ den a matna . Calel ke no Yaal oxe kaa ndef calel no ndigil . Kaa laamit coono fa maak fo a qet ŋaal nuu refna. Calel ke no Yaal oxe kaa may fo coono. A mban nuu o jalaa fo wiin we, xan o jeg naa feleeroonga .

Baa o tipoox na adax soo foog'ee tig yoofu oo. Reftee naaga. Keene taxu apootar Pool a jangin'u a Timote ta fi CALEL no oxaa na baawaare Yegil mbaax ne.

“ Wo o mat, fat o fod no kuu refna, faŋ o hupal , jaɓ o coono, fi'i ke o baawaare yegil mbaax ne a warna o fi , calel of, o fadnitin ne ta waritna .” (2 Timote 4:5)

Geeki a paax ke Pool a layna kam a safe le na Pi ake :

“ Ten taxu mbootooxyo mboog na qoox nuun fo no siir ole Yiif Tedu le a doxinna a nuun , nu ndef teen aa-adax. Ngayyo o fog ole no gimu we Roog a su'nitna fo'oy xooxood um . Andaam o mat ee um retangaa xan a jeg a cinj es xa moon xa kiihiin xa saɗarnooxu axaa berexiidna kam nuun , a mbaaɗaa maa da saloxitna o siir ole ; A ndeer nuun sax, xan a jeg waa na inooxkaa , a njagnaa xa koɓong xa ɓor , ndax da sakan a qoox den daalbe . Yetooxyo boog , too mbetandoox ee xa kiid xa tadaq axey jeggee ŋaal fo o yeng olaa maafooxeeruuma oxuu refna na nuun, fi'in boo loolaa sax.” (A pi ake 20:28-31)

Ndax nu nga'a ke Pool a lay'ina? Naal fo o yeng, kaa maafooxoogu a den boo kaa fi'na xa kiid xa dataq a fi'in boo a loolaa sax! Neene o aa-adax ndigil a waru o nand. Refee tig kaa yoofna; kaa laamit a tipax fo calel.

Kam Rom, Pool a laytaan nene:

“Fog we, ne Roog a letinna yirmande um took in , mexey xedaa a nuun , nu boxotin cer nuun nen sadax faa na ŋoowaa , a ted too a felin bo. Neene nu mbaru o mbaɗoortaa a Roog . Baa nu nandandoor we na ndeefaa o mbaax onqe na adna feeke .Njaɓyo boog Roog a supit a yiif nuun , ndax nu mbaag o njeg a qalaat a qas boo nu and ke Roog a bugna , ta ref fop ke faaxna, fo ke felna fo ke ŋakna sik.” (Rom 12:1-2)

Xar refu ke Roog a bugna?

Boo fa ndiik, ndax nu mboogkee ee a adax kaa ref kaa yoofna, deeti a paax ke oxe bindna o leetar ole Hebre we a bindna:

“Lakas o mat mbug'ee o mbatel. A njaɓa o ŋagadileel boo a ngon , ndax da nqontooxnoorel boo a mbaag o njeg o ŋoow ole moyna . Lakas o mat a njaɓa o ŋaawle'eel , a nqawel xa cap boo leng-leng a njegel , soo a bekel kam kaso . Leng-leng waana itam a njaɓ o mbatel a kac , lakas koy a mbatel a si mbaat laɓ. Kaa njoqooyooxoogu o mbiŋ fo o mbiŋ, a ndokoos ɗool paal mbaat fambe , a ndef fo ndool , a ngen no tooŋeel , a ŋagadileel . Adna fee kaa jomb'u wiin weene , da ngen no njoqooyooxaa kam a koɓ-a-ɓor ale , a ŋaayaa took xa coong axe , a ngenaa kam luf kef o kam qanq ke . Roog a jaɓ'a wiin weene fop yaam o ngim den . Kaa koy, ndaaw'ee ke ta regit'ina.” (Hebre 11:35b-39)

I njeemee o ndiidlat a nuun ndax nu ndefkee aa-adax waa nandna ne Roog a bugna. Ndaa nu mbaree o ñak o and ee ref o aa-adax kaa laamit njigan seeru.

Andilooxi ke Pool a layna no calel ke ten:

“Nday kaa ndef jaajal Kiristaa? Um lay a nuun fop boog yaam mi moyun o ref a den . Kaam moy o jal a den , moy o bekel a den kaso , moy o xawel , boo kam gen’u sax no ñaac’aa took a semb es. A caf a betak , Yaawuur we a ngawaxam xa cap qarbeen naqik axaa ndangandna o leng. A caf a datak, xaweem fo o loq , jaf leng, jeemeem o warit a kac, a caf a tadak, suuxaam, ñaal mum fo o yeng, um humbaam no maag ole . Kaam ñaay’oogu mayu , soo xettaa taamaala kam teeru ke , na kob-a-boor ale, no maag ole fo kaa inoorna no fog Kerceen maamaab we . Kaam genit calel fo coono , genit faanar fo nqeex fo a kodom. Kaam ñakoogu ñaamel , jogoñeel , bandeel. Layiim sax ke yoqna no wargal es bes fuu refna : kaam gen no jaq yaam pokatax ke no gimu we fop.” (2 Korint 11:23-28)

Leng –leng na in, xan a njeg calel kaa moyna o d’om ke Pool , ndaa leng-leng na nuun a mbaagaan o njeg itam. Ndax o waag o ref o aa-adax a paax, kaa nu mbar o and coono ke yoonna fo calel no Yaal oxe. A juga njigan ne wareena o rafid too ref ee fop ngoyee ndax a ndef aa-adax.

CALEL KE

1. Nam wiin we na saate nuun a nga’tu o ñoow ole kam calel ke Roog ?
2. Nam waago o feeñlit o ga of no calel ke no Yaal oxe?
3. Xar na tayilnoorang kam calel ke no Yaal oxe?
4. Xar refu ke na fapang ndax o njalan o Yaal oxe fo njambaar ?

A Cangin fo xa as no a adax kam o ngim onqe

Leson 9: O GA OLE ROOG NO SAÑ-SAÑ

Kam adna fee, kaa i nga'aa waa na njiriiñooraa sañ-sañ den fo katil den ndax da mbi kuu felna a den. We na nduguuñaa we ngenna no saate ke den , we na mbi'aa politik too a d'oxtaa o hup doole fo goor we mbugna o maadoox too a ñagadil rew we.

Ndaa koy, fo samandaal no aa-adax faaxaɗar mayu kam adna fee, o ga o faaxeer no we ndefna aa-adax kaa kaa fad boo kam mbokatax ne no Kerceen ke , kam jangu fee fo kam basil ke no Kerceen ke.

Kaa I nga'aa cangu kaa na ndeefaa a cangnof no yar , i nga'a pastoor kaa na foxtaa cangu den naa felitna a den too mbaale'ee o leng, fo kelfa kaa na ñaatlandaa xa biy den fo rew den nen fad den .

Xar refu ke Biibal fe a warna o lay no ke jofna no sañ-sañ fo katil ?An jegu sañ-sañ? Nam refu ne katil a wareena o jiriiñoor? Xar refu o njiriiñ onqe no sañ-sañ kam a adax ale? Nam i mbaru o mbesoor yaa i adooxanaa wiin we na saate ke in, kam jangu ke in, kam basil ke in?

1. Roog jegu sañ-sañ fee fop

Pool a layta keene a qoolu kam Rom.

“Fat oxuu refna a nanan we na maadooxaa no saax le, yaam jegee maat naa inooreerna na Roog.” (Rom 13:1)

Sañ-sañ refree kaana pokooxeel mbaat ta deegooxel ndaa Roog refu oxe jegna sañ-sañ fee too a d'oxaa fop.

“Ten hame'u camaane kef o baxtu ke , a maafaa maad we, a inaa a den.” (Dañel 2:21a)

Dañel a jangna a in ee Roog na dalnaa maad we mbaat ta ci'aa o maad oxe ndax ta d'oxtaa sañ-sañ. Neene, ne Pool a laytuuna kam Rom 13:1 kaa i mbar o nanan we na maadooxaa yaam Roog ci'u a den sañ-sañ ndax da maadoox. Boo i ndefna no waxtu faa we na maadooxaa took in nananee fa lay fee Roog, i mbaree o nanan a den ndaa Roog i mbaru o nanan .

“Piyeer fo apootar waa a ndoona a den ee: ndax Roog i mbaru o nanan ndii wiin we.” (A pi ake 5:29)

2. Roog ci'u a Yeesu fo Daalbe we ten Sañ-sañ

"Yeesu a matiida a den a lay ee; 'Ci'eem sañ-sañ fuu refna na asamaan fo na adna ."
(Mace 28:18)

Roog jegu sañ-sañ ke fop too a ci'a o beem Yeesu Kiristaa fo sañ-sañ fuu refna , too a lula a in kam adna fee , a coox a in katil ne fo sañ-sañ um , in we ndefna daalbe um.

"Ndetyo mbi'ik qeet ke fop daalbe . Mbatise'yo a den no gon le na Faap fee fo Peenqe fo Yiif Tedu . Too njangin a den da ngay ke hebluuma fop. Mexey fa nuun bes fuu refna boo maa adna fee a daykaa" (Mace 28:19-20)

Nen daalbe Kiristaa Yeesu, kaa i ci'el sañ-sañ fee no maat ne Roog ndax i mbadin calel ke no maat ne. Neene boog, sañ-sañ fee no maat ne kaa yoon fo tig mayu lakas kaa inoorna no maat ne nen, o neewandax, niw lakas we, dimle'aa lakas we too adin soxla ke no lakas we soo sogkaa o topatoox ke nu njegoodna .

Sañ-sañ fee refree ndax o fi'aa wiin we kuu feloonga, jiriiñooraa lakas we, gaci'nooraa lakas we mbaat fi'aa lakas kuu waagna o xeeffoor o aa-adax. A caf a mayu, we andeerna o Yaal oxe kaa mbi'aa tig nandu neene ,ndaa keene refree o bug ole Roog too waree o ref o ñoowof no o aa-adax no ngim onqe . Boo sañ-sañ fee a jiriiñooraa andeena ne ta waritna, Roog a waaga no yooɓu, o suptin yaam ne ta xoyna a den da ndef aa-adax no mbiñ o leng.

A cangin ale no aa-adax we no cangu fee kaa war reefan lalga ne na Pind a Tedu ke no ke jofna no sañ-sañ ndaa waree o reefan o and ole na adna fee . Sañ-sañ refree a laay no xe refna mbaamir too a adooxaa . Sañ-sañ refree o jiriiñooraa we mbidoonga . Sañ-sañ fee Biibal fee a laytaa kaa inoor na Roog too Roog itam na ci'taa katil no waag o adooxan , waag o fi a jil a paax too waag o saɗakin too fap lakas we.

A juga waa na mbidaa ke sañ-sañ a tekita kam a safe le na tekita ale na delem axe – “katil waag o adooxan na qalaat, no ga, na pesoorof : wiin we na doxaa” (Webster's Seventh New Collegiate Dictionary 1967) – too a muukit ee a mbannuu da ndefna no xoox le, a njeg sañ-sañ , kaa mbaagataa o nqasanaa too a mbuuqaa took lakas we yaam sañ-sañ ne da njegna too a mbug fop a mbi'aa ke da nqebilitaa.

Boo oxe nAa doxtaa ne feluuna a fi'na keene, kaa refataa jiriiñoor sañ-sañ fee qupu ke da simeena. Boo pastoor a fi'aa keene itam kaa jiriiñooraa sañ-sañ fee qupu ke ta simeena. Neene a nandu yaa o kor oxe mbaat o tew oxe a fi'aa nandu neene. Kaa Roog a doon o kiin oxe ndax ta ref o aa-adax ndaa refree ndax ta fi'aa ke feluuna soom , a fi'nooraa wiin we ke da mbugeerna , a layaa mbaat ta fi'aa ke waagna gaañ , a sosanaa wiin we ndefna me widuuna fop.

Ref o aa-adax refree waag o and fop ke wiin we a mbi'aa mbaat o fi'nooraa den kuu feloonga . Jeg sañ-sañ kaa ref o andiloox ee kaa Roog a ci'ong o ref o aa-adax too o ref oxaa warna o adooxan lakas we ne Yeesu a fi'taan. Yeesu kaa doxtaa fo yirmande , o neewandax, eet o topatooxaa lakas we, kaa boxotoox nen sadax , kam a qef ake fo itam a topatax a motu sik.

Aa-dax we no ngim onqe kaa doxtaa ne Kiristaa a doxtaa too nangee o nqac'aa sañ-sañ fee da ndaawna a fi a den nen maad mbaat o yaal took lakas we. Aa-adax we no ngim onqe kaa ndef faɗ we na adooxaa , a may fo yirmande, a neewandoox too a ndef waana nqeda itam.

1. Mam nu nga'u waa na njiriiñooraa sañ-sañ qupu ke da simeena kam saate nuun?
2. No xar jegu deetlax o “bug o maadoox took” lakas kam jangu of ? Layi ne keene a saxitna.
3. Nam a reftu kam basil of koy?

A Cangin fo xa as no a adax kam o ngim onqe

Lesonj 10: O GA OLE ROOG NO DAAY OLE FO NO SU'NIT KE

A cinj yee nga'na lesonj 8, a waaga o jeg waa mbugna o mbaas o xoy ole den no calel ke no Yaal oxe , ndaa boo da njomko mbi'an , fat da and ee kam calel d'omu ke den a juga o d'aay o maak fo ndabid magnu kaa da ngeekaneena. Kam calel ke , kaa o maakaa too jeg o deylax. A refangaa kam coono ke sax, jegee kaa hupna o ga cit ke no Yiif Tedu le Roog a cooxitna a njiriiŋooreel yaam o ndam Roog ndax maat ne Roog a fadiid. Ga wiin we a njeg o ngim na Yeesu Kiristaa too ga a den da maakaa na ŋaac' den kaa cooxtaa o d'aay ola waagaandeena o lay sax. Apootar Sanj a layaan a paax:

"Ye ga'uuma yee a juga na xa beef waa na ndeefaa ndigil Faap fee a heblitna a ndeer in, sawar'aam lool."
(2 Sanj 1:4)

O aa-adax a nandu num o bugo o ref ?

Yeesu fa xoox um a laya a in ee o aa-adax o paax kaa war o topatooxaa too a ŋoownaa paal ke ten.

"A dakooxa o laamit jaf dadkandeer ee: "Simonj o biy Yoona ndax fexaxamo"? Maaga, Piyeer a naqadilooxa yaam ke ta laamtuuna boo a caf a datak ee "ndax fexaxamo"? too a doonaan ee " O Yaal oxe dara kunpa'irang . Andaa xil ee fexaaxoong.' Yeesu a layaan ee: topatooxi paal es." (Sanj 21:17)

Kam Nqaariit Nqiid ne, Heseki'el a xasana aa-adax we na xeet fee Roog yaam ne da ndef'eerna no ndigil aa-adax we Roog a bug'ina da ndef . I mbaga a njangit mayu no me da tolofna no calel den.

KE NA FI'KEEL

1. Niiri kam Heseki'el 34 too andiloox no ke aa-adax we a tolofitna na toq ale den.
2. Bindi a calood' a paax no ne o aa-adax no ngim onqe a waagna o fi boo a supit a maadax ake Heseki'el a fi den a pi a paax akaa i mbarna o ndeef in we ndefna aa-adax no ngim onqe.

I nga'a no mayu kam o ngim o ŋoow ole no aa-adax too a cil a palakaand ale nuun njegun . O aa-adax a nandu num no ngim onqe o refkaa?

O aa-adax o paaxeer o nandu nen oxe Heseke'el a xasanna? Ndi, ndax xan o waag o lay ke Pool a lay'ina , ten fee ref'ina o aa-adax o paax oxaa jeg'ina o and no calel um?

"Mi a mat, andaam ee mbaal ndurane sadax refum , too hap es a fadiida . Maafreem njom mbaax, fagid' o sep ole , too dapiim o ngim onqe . Andaam ee o ndip onqe jofu we a cooxeel oxe cungaxam . O Yaal oxe refna o kaahate cofu xe xan a cooxaam o ten na bes faa ta nomtooxiidkaa. Refee koy ee mi soom a cooxkan , ndaa fop we na tayaa a nomtooxiid ale ten." (2 Timote 4:6-8)

Xar refu o ndip onqe na cuungan na asamaan ?